

摘藻堂四庫全書薈要

史部

欽定四庫全書薈要卷七千一百三十一

史部

資治通鑑卷一百四十五 宋 司馬光 撰

胡三省 音註

梁紀一

起玄默敦牂盡閏逢涒灘凡三年 齊宣德太后詔蕭衍自建安郡公進爵梁公衍志也

尋進爵為王尋受齊禪國因號曰梁

高祖武皇帝

諱衍字叔達小字練兒南蘭陵中都里人姓蕭氏與齊同出淮陰令整三

世至順之順之於齊高帝為族弟帝順之子也按通鑑武皇帝紀凡十八卷以一二為次此

卷武皇帝之下合有一字

天監元年

自是年三月以前猶是齊和帝中興二年

春正月齊和帝遣兼侍

中席闡文等慰勞建康

勞力到翻

大司馬衍下令凡東昏

時浮費自非可以習禮樂之容繕甲兵之備者餘皆禁

絕 戊戌迎宣德太后入宮臨朝稱制衍解承制

衍承制見

上卷上年覽解之以現人心朝直遙翻

己亥以寧朔將軍蕭曷監南兗

州諸軍事曷衍之從父弟也

曷兵永翻曷與帝同祖治書侍御史道賜孫監工銜翻

從才用翻

壬寅進大司馬衍都督中外諸軍事劔履上殿

贊拜不名

上時掌翻

己酉以大司馬長史王亮為中書監

尚書令 初大司馬與黃門侍郎范雲南清河太守沈

約司徒右長史任昉同在竟陵王西邸

事見一百三十六卷齊武帝永

明二年守式又翻  
任音壬昉分兩翻

意好敦密

敦厚也  
呼到翻

至是引雲爲大

司馬諮議參軍領錄事

衍錄尚書其錄  
府事使雲領之

約爲驃騎司馬

爲衍驃騎大將軍府司  
馬驃匹妙翻騎奇寄翻

昉爲記室參軍與參謀議前吳

興太守謝朓國子祭酒何胤先皆棄官家居

齊明帝建武初朓胤

皆棄官去朓數  
尾翻先悉薦翻

衍奏徵爲軍諮祭酒朓胤皆不至大司

馬內有受禪之志沈約微扣其端大司馬不應他日又

進曰今與古異不可以淳風期物

淳風謂淳古之風也

士大夫攀

龍附鳳皆望有尺寸之功今童兒牧豎皆知齊祚已終

明公當承其運天文讖記又復炳然

讖楚譖翻

天心不可違

人情不可失苟歷數所在雖欲謙光亦不可得已

易曰謙尊

而大司馬曰吾方思之約曰公初建牙樊沔此時應思

沔彌充翻

今王業已成何所復思若不早定大業脫有一人

立異即損威德且人非金石時事難保豈可以建安之

封遺之子孫

復扶又翻下無復豈復同遺唯季翻

若天子還都公卿在位

則君臣分定

分扶問翻

無復異心君明於上臣忠於下豈復

有人方更同公作賊大司馬然之約出大司馬召范雲

告之雲對略同約旨大司馬曰智者乃爾暗同卿明早

將休文更來

將攜也挾也領也休文沈約字也

雲出語約約曰卿必待

我雲許諾而約先期入

語牛侶翻先悉薦翻

大司馬命草具其事

約乃出懷中詔書并諸選置大司馬初無所改俄而雲

自外來至殿門不得入徘徊壽光閣外但云咄咄

江南禁中

有壽光省咄咄當沒翻毛  
是曰咄咄咄嗟語也

約出問曰何以見處約舉手向

左謂處之以尚書左僕射也處昌呂翻雲笑曰不乖所望有頃大司馬召

雲入嘆約才智縱橫縱子容翻且曰我起兵於今三年矣東昏

廣永元二年十一月衍起兵至是晉尾三年功臣諸將實有其勞將即亮翻然成

帝業者卿二人也甲寅詔進大司馬位相國總百揆揚

州牧封十郡爲梁公時以豫州之梁郡歷陽南徐州之義興揚州之淮南宣城吳興會稽

新安東陽凡十郡爲梁公國相息亮翻備九錫之禮置梁百司去錄尚書

之號去亮呂翻驃騎大將軍如故二月辛酉梁公始受命齊

湘東王寶暉暉之日翻安陸昭王緬之子也緬齊明帝之弟緬彌亮翻頗

好文學

好呼到翻

東昏侯死寶睭望物情歸已坐待法駕既

而王珍國等送首梁公梁公以寶睭爲太常寶睭心不

自安壬戌梁公稱寶睭謀反并其弟江陵公寶覽汝南

公寶宏皆殺之丙寅詔梁國選諸要職悉依天朝之

制

朝直達翻

於是沈約爲吏部尚書兼右僕射范雲爲侍

中梁公納東昏余妃頗妨政事范雲以爲言梁公未之

從雲與侍中領軍將軍王茂同入見

自沈約至王茂皆梁國官也見賢通

翻雲曰咎沛公入關婦女無所幸此范增所以畏其志



大也

事見九卷漢高帝元年

今明公始建康海內想望風聲奈

何襲亂亡之迹以女德爲累乎

左傳富辰曰女德無極杜預注云婦女之志近

之則不知止足累力瑞翻

王茂起拜曰范雲言是也公必以天下爲

念無宜留此梁公默然雲即請以余氏賚王茂

賚洛代翻

梁

公賢其意而許之明日賜雲茂錢各百萬丙戌詔梁公

增封十郡進爵爲王

時以豫州之南譙廬江江州之尋陽鄆州之武昌西陽南徐州之南

琅邪南東海晉陵揚州之臨海永嘉十郡益梁國

癸巳受命赦國內及府州殊

死以下

自進爵爲王己上凡詔皆以宣德太后稱制行之

辛丑殺齊邵陵王

寶攸晉熙王寶嵩桂陽王寶貞

南史齊紀作寶攸本傳作寶脩三王

子梁王將殺齊諸王防守猶未急鄱陽王寶寅家閹人

顏文智與左右麻拱等密謀穿牆夜出寶寅具小船於

江岸著烏布襦

著則各翻襦汝未翻短衣也

腰繫千餘錢潛赴江側

躡屩徒步足無完膚

屩居勾翻草履也

防守者至明追之寶寅

詐爲釣者隨流上下十餘里追者不疑待散乃渡西岸

投民華文榮家

待散待追者散也華戶化翻

文榮與其族人天龍惠

連棄家將寶寅遁匿山澗賃驢乘之晝伏夜行抵壽陽

之東城魏戍主杜元倫馳告揚州刺史任城王澄以車

馬侍衛迎之

任音

寶寅時年十六徒步憔悴

悴奏

見者

以爲掠賣生口澄待以客禮寶寅請喪君斬衰之服澄

遣人曉示情禮以喪兄齊衰之服給之

喪息浪翻哀倉  
回翻齊音咨

澄帥官僚赴吊寶寅居處有禮一同極哀之節

禮居君  
父之喪

極哀帥讀曰  
率處昌呂翻

壽陽多其義故皆受慰

嘯撫而安之曰慰  
吊生曰唁唁與

戰翻

唯不見夏戾一族

夏戾之族本譙郡譙人  
居于壽陽夏戶雅翻

以夏

戾詳從梁王故也澄深器重之

爲蕭寶寅貴顯於  
魏而不終張本

齊

和帝東歸

將東歸建康也

以蕭憺爲都督荆湘等六州諸軍事

荊州刺史

憺徒敢翻又徒濫翻

荊州軍旅之後公私空乏憺厲精

爲治

治直吏翻

廣屯田省力役存問兵死之家供其乏困自

以少年居重任

少詩照翻

謂佐吏曰政之不臧士君子所宜

共惜吾今開懷卿其無隱於是人人得盡意民有訟者

皆立前待符教決於俄頃曹無留事荆人大悅 齊和

帝至姑孰丙辰下詔禪位于梁 丁巳廬陵王寶源卒

非疾也寶源者齊明帝第五子

魯陽蠻魯北驚等起兵攻魏潁州

魏置

潁州於汝陰又潁川郡舊置潁州

夏四月辛酉宣德太后令曰西詔

至

齊和帝雖已至姑孰其地猶在建康之西故曰西詔

帝憲章前代

憲章前代者以前代為法

度也敬禪神器于梁明可臨軒

明謂明旦也

遣使恭授璽綬未

亡人歸于別宮

古者君薨其夫人在者自稱未亡人使疏吏翻璽斯氏翻綬音弗

壬戌

發策遣兼太保尚書令亮等奉皇帝璽綬詣梁宮

亮王亮也

丙寅梁王即皇帝位于南郊大赦改元

始改元天監

是日追

贈兄懿為丞相封長沙王諡曰宣武葬禮依晉安平獻

王故事

懿為東昏侯所殺葬不成禮今依晉葬安平王等禮葬之

丁卯奉和帝為巴

陵王宮于姑孰優崇之禮皆倣齊初

倣齊奉汝陰王之禮

奉宣德

太后爲齊文帝妃王皇后爲已陵王妃齊世王侯封爵

悉從降省

降者王降公公降侯省者除其封國省所梗翻

唯宋汝陰王不在除

例

備三恪也

追尊皇考爲文皇帝廟號太祖皇妣爲獻皇后

考異曰南史云五月追尊今從梁書

追諡妃郝氏曰德皇后

東昏侯永元元年郝

氏卒于襄陽郝丑之翻

封文武功臣車騎將軍夏侯詳等十五人

爲公侯

騎奇寄翻

立皇弟中護軍宏爲臨川王南徐州刺史

秀爲安成王雍州刺史偉爲建安王

雍於用翻

左衛將軍恢

爲鄱陽王荊州刺史憺爲始興王以宏爲揚州刺史

丁卯以中書監王亮爲尚書令相國左長史王瑩爲中

書監吏部尚書沈約爲尚書僕射長兼侍中范雲爲散

騎常侍吏部尚書 詔凡後宮樂府西解暴室諸婦女

一皆放遣

解讀曰廨一皆放遣一切盡放遣之也

戊辰巴陵王卒時上

欲以南海郡爲巴陵國徙王居之沈約曰古今殊事魏

武所云不可慕虛名而受實禍

沈約夢齊和帝劍斷其古天之報應固不爽也

上頷之乃遣所親鄭伯禽詣姑孰以生金進王王曰我

死不須金醇酒足矣乃飲沈醉

沈持林翻

伯禽就摺殺之

時年

十五摺洛合翻

王之鎮荊州也琅邪顏見遠爲錄事參軍及即

位爲治書侍御史兼中丞

治直之翻

既禪位見遠不食數日

而卒

史言齊臣以死殉和帝者僅一顏見遠

上聞之曰我自應天從人

曰從

人者避皇考順之諱也

何預天下士大夫事而顏見遠乃至於此

此言不可以訓

庚午詔有司依周漢故事議贖刑條格

薛典曰金

作贖刑注曰誤入而刑出金以贖罪周穆王訓夏贖刑亦以五刑之辟疑者罰贖至漢文帝令民入粟以贖罪武帝令死罪入贖錢五十萬減死一等蓋自虞及周疑誤者贖漢則凡犯罪者皆可得而入贖凡在官



身犯鞭杖之罪悉入贖停罰其臺省令史士卒欲贖者

聽之以謝沐縣公寶義爲巴陵王奉齊祀

上之受禪也寶義以

晉安王降封謝沐縣公晉志謝沐縣屬臨賀郡沐食聿翻

寶義幼有廢疾不能言故

獨得全齊南康侯子恪及弟祁陽侯子範嘗因事入見

子恪子範齊豫章王嶷子也祁陽縣吳立宋屬零陵郡見賢遍翻

上從容謂曰

從于容翻

天

下公器非可力取苟無期運雖項籍之力終亦敗亡宋

孝武性猜忌兄弟粗有令名者皆鴆之

謂南平王鑑也粗坐五翻

朝

臣以疑似枉死者相繼

謂顏竣王僧達周朗沈懷文等朝直遙翻

然或疑而

不能去

去美呂  
翻下同

或不疑而卒爲患如卿祖以材畧見疑

而無如之何

此正指疑而不能去者  
謂齊高帝也卒子恤翻

湘東以庸愚不疑

而子孫皆死其手

此正指不疑而卒爲患者謂  
明帝盡殺孝武帝子孫也

我於時

已生彼豈知我應有今日固知有天命者非人所害我

初平建康人皆勸我除去卿輩以壹物心我於時依而

行之誰謂不可正以江左以來代謝之際必相屠滅感

傷和氣所以國祚不長又齊梁雖云革命事異前世我

與卿兄弟雖復絕服

五服之親至於袒免則無服矣去  
美呂翻復扶又翻下可復無復同

宗屬未遠齊業之初亦共甘苦

齊宗禪代之際帝父順之參預佐命

情同

一家豈可遽如行路之人卿兄弟果有天命非我所殺

若無天命何忽行此適足示無度量耳且建武塗炭卿

門謂齊明帝建武中誅高武子孫我起義兵非唯自雪門恥亦爲卿兄

弟報仇爲于偽卿若能在建武永元之世

永元齊東岳年號

撥亂

反正

謂齊明帝父子爲亂高武子孫爲正

我豈得不釋戈推奉邪我自取

天下於明帝家非取之於卿家也昔劉子輿自稱成帝

子光武言假使成帝更生天下亦不可復得況子輿乎

事見三十九卷  
漢更始元年

曹志魏武帝之孫爲晉忠臣

事見八十卷晉武

帝太康四年

況卿今日猶是宗室我方坦然相期卿無復懷

自外之意

無當作毋

小待當自知我寸心子恪兄弟凡十六

人皆仕梁子恪子範子質子顯子雲子暉並以才能知

名歷官清顯各以壽終

史言帝所誅夷者齊明帝之後高帝之後固無恙也

詔

徵謝朓爲左光祿大夫開府儀同三司

朓數尾翻

何胤爲右

光祿大夫何點爲侍中胤點終不就

癸酉詔公車府

謗木肺石傍各置一函

周禮大司寇以肺石達窮民注云肺石赤石也肺石廢翻

若

肉食莫言欲有橫議投謗木函

杜佑曰肉食在位者布衣處士而議朝政謂之

橫議橫  
戶孟翻

若以功勞才器寬沈莫達投肺石函

沈持  
林翻

上身

服浣濯之衣常膳唯以菜蔬每簡長吏務選廉平皆召

見於前勛以政道

見賢遍翻勛  
許玉翻勉也

擢尚書殿中郎到漑爲

建安內史左戶侍郎劉醴爲晉安太守

杜佑曰宋齊度  
支尚書統度支

左戶右戶金部庫部六曹醴子公翻沈約曰建安本閩  
越秦立爲閩中郡漢武帝滅閩越徙其民於江淮間虛

其地後有遁逃山谷間者頗出立爲治縣屬會稽司馬  
彪云章安是故治然則臨海亦治地也後分治地爲會

稽東南二部都尉東部臨海是也南部建安是也吳孫  
休永安三年分南部立爲建安郡晉武帝太康三年分

建安立晉安郡詳考沈志建安郡則今南劍邵武建寧之地晉安郡則今福州之地沈志洪氏隸釋辯之甚詳

注已見前

二人皆以廉潔著稱漑彥之曾孫也

到彥之宋文帝將

又

著令小縣令有能遷大縣大縣有能遷二千石以山陰令丘仲孚爲長沙內史武康令東海何遠爲宣城太守

由是廉能莫不知勸

魯陽蠻圍魏湖陽

湖陽縣漢屬南陽郡晉省

元魏後於此置西淮安郡及南襄州隋爲湖陽縣唐并湖陽入棗陽縣

撫軍將軍李崇將

兵擊破之

將即亮翻

斬魯北驚徙萬餘戶於幽并諸州及六

鎮尋叛南走所在追討比及河殺之皆盡

比必利翻

閏月

丁巳魏頓丘匡公穆亮卒

諡法貞心大度曰匡

齊東昏侯嬖臣

孫文明等雖經赦令猶不自安五月乙亥夜帥其徒數

百人因運荻炬束仗入南北掖門作亂

荻炬者束荻為火炬用也因運

此遂束兵仗於荻中以入嬖

畢義翻又博計翻帥讀曰率燒神虎門總章觀入衛尉

府殺衛尉洮陽慙侯張弘策

觀古玩翻洮陽縣屬零陵郡洮音兆

前軍司

馬呂僧珍直殿內以宿衛兵拒之不能却上戎服御前

殿曰賊夜來是其衆少曉則走矣

少詩詔翻

命擊五鼓領軍

將軍王茂驍騎將軍張惠紹聞難引兵赴救盜乃散走

討捕悉誅之

擊五鼓晉檀祗破司馬國璠之故智也疏堅堯翻騎奇寄翻難乃旦翻

江

州刺史陳伯之目不識書得文牒辭訟唯作大諾而已

有事典籤傳口語與奪決於主者

伯之手不能書典籤傳其口之所言

豫

章人鄧繕永興人戴永忠

漢會稽諸暨縣吳更名永興

有舊恩於伯

之伯之以繕爲別駕永忠爲記室參軍河南褚縉居建

康

縉于貴翻考異曰蕭寶宣傳作褚胃今從梁書

素薄行仕宦不得志頻造

尚書范雲雲不禮之

行下孟翻造七到翻范雲時爲吏部尚書

縉怒私謂所

親曰建武以後草澤下族悉化成貴人吾何罪而見棄



今天下草創饑饉不已喪亂未可知

喪息浪翻

陳伯之擁彊

兵在江州非主上舊臣有自疑之意且熒惑守南斗詎

非爲我出邪

晉天文志將有天子之事占於南斗南斗六星天廟也主兵爲于僞翻

今者

一行事若無成入魏不失作河南郡守

守式又翻

遂投伯之

大見親狎伯之又以鄉人朱龍符爲長流參軍

陳伯之濟陰人

職官分紀長流參軍主禁防晉從公府有長流參軍小府無長流參軍置禁防參軍顏氏家訓或問何故名治

獄參軍爲長流答曰帝王世紀云帝少昊崩其神降于長流之山此事本出山海經於祀主秋按周禮秋官司

寇主刑罰長流之職漢魏捕賊掾耳晉宋以來始爲參軍上屬司寇故取秋帝所居爲嘉名焉

並乘伯

之愚闇恣爲姦利上聞之使陳虎牙私戒伯之又遣人

代鄧繕爲別駕伯之並不受命表云龍符驍勇

驍堅  
亮翻

鄧

繕有績效臺所遣別駕請以爲治中繕於是日夜說伯

之云臺家府藏空竭復無器仗三倉無米東境饑流

三倉

太倉石頭倉及常平倉又按五代史志梁司農卿主農  
功倉康統太倉等令又管左右中部三倉丞東境三吳

會稽之地說式爲翻  
復扶又翻下若復同

此萬世一時也機不可失絹永忠

共贊成之伯之謂繕今啟卿若復不得即與卿共反上

敕伯之以部內一郡處繕

處昌  
呂翻

於是伯之集府州僚佐

謂曰奉齊建安王教師江北義勇十萬已次六合

齊建安王

蕭寶寅也時奔魏據宋史六合山在烏江縣界五代志江都郡六合縣宋齊之泰郡尉氏縣也帥讀曰率下同

見使以江州見力運糧速下

見力之見賢遍翻

我荷明帝厚恩

誓死以報即命纂嚴使絹詐爲蕭寶寅書以示僚佐於

聽事前爲壇歃血共盟絹說伯之曰

荷下可翻聽讀曰廳歃色甲翻說式

爲今舉大事宜引衆望長史程元冲不與人同心臨川

內史王觀僧虔之孫人身不惡可召爲長史以代元冲

觀古伯之從之仍以絹爲尋陽太守永忠爲輔義將軍

龍符爲豫州刺史觀不應命豫章太守鄭伯倫起郡兵

拒守程元冲既失職於家合帥數百人

合衆而帥之

乘

伯之無備突入至聽事前

聽讀與廳同

伯之自出格鬪元冲

不勝逃入廬山

廬山在江州南

伯之密遣信報虎牙兄弟皆逃

奔盱眙

盱眙音吁怡

戊子詔以領軍將軍王茂爲征南將軍

江州刺史帥衆討之

魏揚州小峴戍主党濩宗

党底朗翻

姓也杜佑通典德浪翻峴戶典翻下同

襲大峴戍破之虜龍驤將軍邾菩

薩

薩思將翻菩薄乎翻薩桑葛翻

陳伯之聞王茂來謂褚縉等曰王

觀既不就命鄭伯倫又不肯從便應空手受困今先平

豫章開通南路多發丁力益運資糧然後席卷北向以

撲饑疲之衆不憂不濟

卷讀曰捲北向謂北下  
攻建康也撲普木翻

六月留

鄉人唐蓋人守城

守舉陽城

引兵趣豫章攻伯倫不能下

七趣

喻翻王茂軍至伯之表裏受敵遂敗走間道渡江與虎牙

等及褚縉俱奔魏

間古覓翻

上遣左右陳建孫送劉季連

子弟三人入蜀使諭旨慰勞

勞力到翻

季連受命飭還裝益

州刺史鄧元起始得之官初季連爲南郡太守不禮於

元起

鄧元起南邵當陽人

都錄朱道琛有罪

都錄蓋郡之首吏總錄諸吏者也琛母林

翻

李連欲殺之逃匿得免至是道琛爲元起典籤說元

起曰

說式爲翻下或說同

益州亂離已久公私虛耗劉益州臨歸

豈辦遠遣迎候道琛請先使檢校

使疏吏翻

緣路奉迎不然

萬里資糧未易可得元起許之道琛旣至言語不恭又

歷造府州人士見器物輒奪之有不獲者語曰

易以鼓翻造七

到翻語牛俗翻

會當屬人何須苦惜於是軍府大懼謂元起必

誅李連禍及黨與競言之於李連李連亦以爲然且懼

昔之不禮於元起乃召兵集之有精甲十萬歎曰據天險之地握此彊兵進可以匡社稷退不失作劉備捨此安之遂召佐史矯稱齊宣德太后令聚兵復反收朱道琛殺之

史言劉季連阻兵讐起於味道琛

召巴西太守朱士畧及涪令

李膺並不受命

浩音浮

是月元起至巴西士畧開門納之

先是蜀民多逃亡聞元起至爭出投附皆稱起義兵應朝廷軍士新故三萬餘人

新謂蜀民新附者故謂元起從行者先式爲翻

元起

在道久糧食乏絕或說之曰蜀土政慢民多詐疾若檢

巴西一郡籍注因而罰之所獲必厚

謂民多詐疾注之於籍以避征役說

翰尚

元起然之李膺諫曰使君前有嚴敵後無繼援山

民始附於我觀德

言山民觀望我德則附否則搗貳使疏吏翻

若糾以刻薄

民必不堪衆心一離雖悔無及何必起疾可以濟師

起疾

謂糾之以刻薄民所不堪則是興長病端一曰起疾謂起詐疾者杜預曰濟益也

膺請出圖之

不患資糧不足也元起曰善一以委卿膺退帥富民上

軍資米

帥讀曰率上時掌翻

得三萬斛

秋八月丁未命尚書刪

定郎濟陽蔡瀾度損益王植之集註舊律

王植之集定張杜律見一



百三十七卷齊武帝永明九年濟子禮翻為梁律仍命與尚書令王亮侍中

王瑩尚書僕射沈約吏部尚書范雲等九人同議定

上素善鍾律欲釐正雅樂乃自制四器名之為通

五代史志

通受聲廣九寸宣聲長九尺臨岳高一寸二分每通皆施三絃一曰玄英通二曰青陽通三曰朱明通四曰白藏通每通施三絃黃鍾絃用二百七十絲長九尺應鍾絃

用一百四十二絲長四尺七寸四分差彊中間十律以

是為差

黃鍾律長九寸引而伸之為九尺應鍾律長四寸二十七分寸之二十引而伸之為四尺七寸

四分差彊中間十律以是為差者即上生下生三分益一三分去一之數也長直亮翻下同

因以通

聲轉推月氣悉無差違而還得相中又制十二笛黃鍾  
笛長三尺八寸應鍾笛長二尺三寸中間十律以是爲  
差以寫通聲飲古鍾玉律並皆不差

樂有飲聲飲者隨其聲而酌其清濁

高下也鄭譯因琵琶七調以其所捨琵琶絃柱相飲爲七均合成十二以應十二律是也於是被以

八音

八音金石絲竹匏土草木被皮義翻

施以七聲

七聲宮商角徵羽及變宮變徵

莫不

和韻先是宮懸止有四鍾鍾雜以編鍾編磬衡鍾凡十

六虞

古者天子宮懸周禮註云宮懸四面四面象宮室有牆故謂之宮懸凡鍾十六枚同在于虞謂之編

鍾特懸者謂之鍾鍾爾雅曰大鍾謂之鍾編磬亦十六枚而同虞先悉薦翻鍾補各翻虞其呂翻

上始

命設十二鋪鍾各有編鍾編磬凡三十六虞而去衡鍾

四隅植建鼓

建鼓大鼓也少昊氏作之  
為建鼓之節去羌呂翻

魏高祖之喪

前太傅平陽公丕自晉陽來赴

此太和二十三年事

遂留洛陽丕

年八十餘歷事六世

丕拓跋嗣槐之曾孫從世祖臨江  
歷景穆文成獻文孝文及今主凡

六位極公輔而還為庶人

丕得罪見一百四十一  
卷齊明帝建武四年

魏主

以其宗室耆舊矜而禮之乙卯以丕為三老魏揚州

刺史任城王澄表請攻鍾離魏主使羽林監敦煌范紹

詣壽陽共量進止澄曰當用兵十萬往來百日乞朝廷

速辦糧仗紹曰今秋已向末方欲調發

任音壬敦徒門  
翻量音良調徒

弔兵仗可集糧何由致有兵無糧何以克敵澄沉思良

久曰實如卿言乃止

沈持  
林翻

九月丁巳魏主如鄴冬十

月庚子還至懷與宗室近侍射遠帝射三百五十餘步

羣臣刻銘以美之甲辰還洛陽十一月己未立小廟

以祭太祖之母

太祖之母  
帝祖母也

每祭太廟畢以一太牢祭之

甲子立皇子統爲太子魏洛陽宮室始成

齊武帝  
永明十

一年魏始營洛陽  
至是宮室乃成

十二月將軍張囂之侵魏淮南取

木陵戍魏任城王澄遣輔國將軍成興擊之囂之敗走

魏復取木陵

水經注木陵山在黃水西南有木陵關黃水東逕晉西陽城南又東逕南光城南又

東逕弋陽郡東又東北入于淮謂之黃口唐志木陵關在光州光山縣南黃州麻城縣東北復扶又翻

劉季連遣其將李奉伯等拒鄧元起

將即亮翻

元起與戰互

有勝負久之奉伯等敗還成都元起進屯西平

晉安帝以秦雍

流民立懷寧縣宋文帝元嘉十六年寄治成都其屬縣有西平蓋亦寄治成都城外遂為實土

季連驅

略居民閉城固守元起進屯蔣橋去成都二十里留輜

重於郾奉伯等間道襲郾陷之

重直用翻郾音疲間古覓翻

軍備盡

沒元起捨郢徑圍州城城局參軍江希之謀以城降不

克而死

宋有十八曹參軍城局其一也降戶江翻

魏陳留公主寡居僕射

高肇秦州刺史張彝皆欲尚之公主許彝而不許肇肇

怒譖彝於魏主坐沈廢累年

沈持林翻

是歲江東大旱米

斗五千民多餓死

二年春正月乙卯以尚書僕射沈約爲左僕射吏部尚

書范雲爲右僕射尚書令王亮爲左光祿大夫丙辰亮

坐正旦詐疾不登殿削爵廢爲庶人乙亥魏主耕藉

田 魏梁州氏楊會叛行梁州事楊椿等討之

齊東昏  
永元二

年書魏梁州刺史楊椿招降氏王  
楊集始今乃為行梁州事當考

成都城中食盡升

米三千人相食劉季連食粥累月計無所出上遣主書

趙景悅宣詔受季連降

降戶江  
翻下同

季連肉袒請罪鄧元起

遷季連于城外俄而造焉待之以禮

造士  
到翻

季連謝曰早

知如此豈有前日之事

蓋言前日所以阻兵拒  
命實為朱道琛構間也

郾城亦

降元起誅李奉伯等送季連詣建康初元起在道懼事

不集無以為賞士之至者皆許以辟命於是受別駕治

中檄者將二千人季連至建康入東掖門數步一稽顙

以至上前

稽音啟

上笑曰卿欲慕劉備而曾不及公孫述

謂公孫述不肯降漢也

豈無卧龍之臣邪

卧龍謂諸葛孔明

赦爲庶人

三月己巳魏皇后蠶於北郊

庚辰魏揚州刺史任城

王澄遣長風戍主奇道顯入寇

姓譜奇姓伯奇之後

取陰山白藁

二戍

據水經注陰山關在弋陽縣西南唐志黃州麻城縣東北有陰山關

蕭寶寅伏於

魏闕之下

此魏朝之闕門也闕即古之象魏

請兵伐梁雖暴風大雨終

不暫移會陳伯之降魏亦請兵自效魏主乃引八坐門



下入定議

八坐謂令僕及諸曹尚書門下謂侍中散騎常侍等官覽與暫同降戶江翻坐徂卧翻

夏四月癸未朔以寶寅爲都督東揚等三州諸軍事鎮

東將軍揚州刺史丹楊公齊王禮賜甚厚配兵一萬令

屯東城

此蓋漢晉之東城縣地以其地在壽陽之東故置東揚州

以伯之爲都督淮

南諸軍事平南將軍江州刺史屯陽石

即羊石城也在廬江西北霍丘

東侯秋冬大舉寶寅明當拜命

明謂明旦也

其夜慟哭至晨

魏人又聽寶寅募四方壯勇得數千人以顏文智華文

榮等六人皆爲將軍軍主

顏文智將寶寅投華文榮文榮等將寶寅投北華戶化翻

寶寅志性雅重過期猶絕酒肉

禮為兄弟服朞喪

慘形悴色蔬

食麤衣未嘗嬉笑

悴秦醉翻

癸卯蔡瀟度上梁律二十卷

上時掌翻

令三十卷科四十卷詔班行之

五月丁巳霄城

文彦范雲卒

霄城縣彦也五代志沔陽郡竟陵縣舊曰霄城卒子恤翻下同

雲盡心事

上知無不為臨繁處劇

處昌呂翻

精力過人及卒衆謂沈約

宜當樞管

樞管謂管樞機也今人猶謂樞密院為樞管以此觀之沈約之位雖在范雲之右而親任

不及雲速矣

上以約輕易

易以政翻

不如尚書左丞徐勉乃以勉

及右衛將軍周捨同參國政捨雅量不及勉而清簡過

之兩人俱稱賢相常留省內罕得休下

休下謂休假下直也

勉或

時還宅羣犬驚吠每有表奏輒焚其藁捨豫機密二十

餘年未嘗離左右

離力智翻

國史詔詰儀體灋律軍旅謀謨

皆掌之與人言謔終日不絕

謔造却翻戲言也

而竟不漏泄機

事衆尤服之

史究言二人終身大藥

壬申斷諸郡縣獻奉二宮

惟諸州及會稽許貢任土若非地產亦不得貢

斷音短下頻斷

同二宮上宮及東宮也會稽東土大郡也故使之同於諸州會工外翻

甲戌魏楊椿等

大破叛氏斬首數千級

是年春氏楊會叛

六月壬午朔魏立

皇弟悅爲汝南王 魏揚州刺史任城王澄表稱蕭衍

頻斷東關

斷音短

欲令淝湖汎溢以灌淮南諸戍吳楚便

水且灌且掠淮南之地將非國有壽陽去江五百餘里

衆庶惶惶並懼水害脫乘民之願攻敵之虛豫勒諸州

纂集士馬首秋大集應機經略雖混壹不能必果江西

自是無虞矣丙戌魏發冀定瀛相并濟六州二萬人馬

一千五百匹

相息亮翻  
濟子禮翻

令仲秋之中畢會淮南并壽陽

先兵三萬

先兵先屯  
壽陽之兵

委澄經畧蕭寶寅陳伯之皆受澄

節度 謝朓輕舟出詣闕

朓敷尾翻

詔以爲侍中司徒尚書

令朓辭脚疾不堪拜謁角巾自輿詣雲龍門謝詔見於

華林園

見賢適翻

乘小車就席明旦上幸朓宅

謝朓仕宋及齊有宅在建

康宴語盡懽朓固陳本志不許因請自還東迎母許之

臨發上復臨幸

復扶又翻

賦詩餞別王人送迎相望於道

凡將

上命者皆謂之王人

及還詔起府於舊宅禮遇優異朓素憚煩不

省職事衆頗失望

謝朓之於樊英又不及遠甚省悉景翻

甲午以中書

監王瑩爲尚書右僕射

秋七月乙卯魏平陽平公丕

卒 魏既罷鹽池之禁

魏主踐阼之初中尉甄琛奏弛鹽禁彭城王勰與邢巒以為不

可魏主詔從琛請通鑑目錄已提其要此事今載於一百四十三卷齊東昏永元二年而通鑑正文遂其事錯

簡置於百四十而其利皆為富彊所專庚午復收鹽池

六卷天監五年 利入公

復扶又翻

辛未魏以彭城王勰為太師

勰音

勰固

辭魏主賜詔敦諭又為家人書祈請懇至

為家人書用家人叔姪之

禮也勰不得已受命

八月庚子魏以鎮南將軍元英都

督征義陽諸軍事司州刺史蔡道恭聞魏將軍至遣驍

騎將軍楊由帥城外居民三千餘家保賢首山為三柵

駢堅堯翻騎奇寄翻帥讀曰率

冬十月元英勒諸軍圍賢首柵柵民任

馬駒斬由降魏

任音壬降戶江翻

任城王澄命統軍党濩宗傅

豎眼太原王神念等分兵寇東關大峴淮陵九山

淮陵恐當

作昨陵齊置徐州於鍾離又僑置濟陰郡昨陵縣於郡界五代志鍾離郡化明縣舊曰昨陵置濟陰郡化明唐濠州之招義縣也或曰宋志南徐州領淮陵郡昨陵淮陵皆屬漢徐部是時既置徐州於鍾離則亦置淮陵於鍾離界未可知也魏收志陳留鍾離二郡有朝歌縣縣有九山城黃溪水按水經注黃水出黃武山東北流逕南光城弋陽等郡今按今招信軍盱眙縣西南一十五里有三城又西十五里至淮陵城臨池河池河過淮陵城西而北入于淮謂之池河口九山店在淮北南直淮陵九山店之東則陷垆湖南則馬城淮流至此謂之九

山灣其東則鳳凰州在淮水中約長十里今土人亦呼九山灣為獅子渡北兵渡淮之津要也峴戶典翻高

祖珍將三千騎為遊軍澄以大軍繼其後豎眼靈越之

子也

傳靈越從薛安都起兵攻張永以應義嘉兵潰而死豎而主翻

魏人拔關要潁川

大峴三城

魏收志霍州有北潁川郡領潁川等三縣水經注梁立霍州治滿縣天柱山

白塔

牽城清溪皆潰徐州刺史司馬明素將兵三千救九山

將即亮翻下同

徐州長史潘伯鄰救淮陵寧朔將軍王燮保焦

城党灋宗等進拔焦城破淮陵十一月壬午擒明素斬

伯鄰先是南梁太守馮道根戍阜陵

馮道根傳以南梁太守領阜陵戍先



悉薦初到脩城隍遠斥候如敵將至衆頗笑之道根曰

怯防勇戰此之謂也

其周防若怯而臨戰則勇

城未畢黨瀆宗等衆

二萬奄至城下衆皆失色道根命大開門緩服登城選

精銳二百人出與魏兵戰破之魏人見其意思閒暇

思相

吏戰又不利遂引去道根將百騎擊高祖珍破之

騎奇寄翻

魏諸軍糧運絕引退以道根爲豫州刺史

此時梁豫州治晉熙道根

蓋猶戍阜陵特帶刺史耳

武興安王楊集始卒己未魏立其世子

紹先爲武興王紹先幼國事決於二叔父集起集義

乙亥尚書左僕射沈約以母憂去職魏既遷洛陽北邊

荒遠因以饑饉百姓困弊魏主加尚書左僕射源懷侍

中行臺

魏道武置行臺之官於鄴中山今置於北邊杜佑曰魏末司馬師討諸葛誕散騎常侍裴秀尚

書僕射陳泰黃門侍郎鍾會等以行臺從北使持節巡

行北邊六鎮恒燕朔三州

六鎮列置於三州塞下使疏吏翻下同行下孟翻恒戶登

翻燕因

賑給貧乏考論殿最

既使之賑恤貧民又使

事

之得失皆先決後聞懷通濟有無饑民賴之沃野鎮將

于祚

沃野漢朔方郡之屬縣也魏平赫連與統萬同置鎮不在六鎮之數將即亮翻下同

皇后之

世父

世父伯父承世嫡者

與懷通婚時于勁方用事勢傾朝野

直朝

遙祚頗有受納懷將入鎮祚郊迎道左懷不與語即劾

奏免官

劾戶部劄下同

懷朔鎮將元尼須與懷舊交貪穢

狼籍

蘇鶚演義曰狼籍者物雜亂之貌狼所卧籍之草皆穢亂

置酒請懷謂懷曰命

之長短繫卿之口豈可不相寬貸懷曰今日源懷與故

人飲酒之坐

坐徂卧翻

非鞠獄之所也明日公庭始爲使者

檢鎮將罪狀之處耳尼須揮淚無以對竟按劾抵罪懷

又奏邊鎮事少而置官猥多

少詩治翻

沃野一鎮自將以下

八百餘人

將謂鎮將也將即亮翻

請一切五分損二魏主從之

乙酉將軍吳子陽與魏元英戰於白沙子陽敗績

白沙子在齊

安郡界魏收志有沙州治白沙關城注云梁置唐志黃州黃陂縣有白沙關

魏東荊州蠻

樊素安作亂乙酉以左衛將軍李崇爲鎮南將軍都督

征蠻諸軍事將步騎討之

將即亮翻騎奇寄翻

馮翊吉玢父爲

原鄉令

玢撫文翻漢宣帝中平二年分故鄣立原鄉縣屬吳興郡

爲姦吏所誣逮詣

廷尉罪當死玢年十五搢登聞鼓乞代父命

搢則爪翻

上以

其幼疑人教之使廷尉卿蔡瀟度嚴加誘脅取其款實

誘者開之以生路脅者威之以經索

扭械示將拷訊之款誠也誘音酉

具詰盼曰爾求代父救已相許審能死不

所謂脅之也拷音考詰去

吉翻不讀曰否

且爾童駭若爲人所教亦聽悔異

駭五駭翻所謂誘之也悔

異猶律文所謂讎異

盼曰囚雖愚幼豈不知死之可憚顧不忍見

父極刑故求代之此非細故奈何受人教邪明詔聽代

不異登仙豈有回貳

反前說爲回異前說爲貳

灋度乃更和顏誘之

曰主上知尊戾無罪行當得釋觀君足爲佳童今若轉辭幸可父子同濟盼曰父掛深劾必正刑書囚瞑目引

領唯聽大戮

勅戶梁翻又戶  
得翻暝莫定翻

無言復對時盼備加桎械

灋度愍之命更著小者

復扶又翻桎女九翻  
更工衡翻著涉畧翻

盼不聽曰

死罪之囚唯宜益械豈可減乎竟不脫灋度具以聞上

乃宥其父罪丹楊尹王志求其在廷尉事并問鄉里欲

於歲首舉充純孝

魏晉以來舉士皆由  
州鄉故問其鄉里

盼曰異哉王尹

何量盼之薄乎父辱子死道固當然若盼當此舉乃是

因父取名何辱如之固拒而止

量音良盼之拒王志是  
也梁武帝知盼之孝節

而不能叙用以  
厲流俗非也

魏主納高肇兄偃之女爲貴嬪

嬪毗  
賓翻

魏散騎常侍趙脩寒賤暴貴恃寵驕恣陵轢王公爲

衆所疾

散悉宜翻騎奇寄翻轢郎擊翻

魏主爲脩治第舍擬於諸王

于爲

偽翻治直之翻

鄰居獻地者或超補大郡脩請告歸葬其父凡

財役所須並從官給脩在道淫縱

脩自洛歸趙郡在道淫縱

左右乘

其出外頗發其罪惡及還舊寵小衰高肇密構成其罪

侍中領御史中尉甄琛黃門郎李憑廷尉卿陽平王顯

素皆諂附於脩至是懼相連及

懼以黨附連坐及禍甄之人翻琛丑林翻

爭

助肇攻之帝命尚書元紹檢訊下詔暴其姦惡免死鞭

一百徒敦煌爲兵

敦煌徒門翻

而脩愚疎初不之知方在領軍

于勁第擄捕羽林數人稱詔呼之送詣領軍府甄琛王

顯監罰先具問事有力者五人迭鞭之

監工銜翻問事行杖者也

欲

令必死脩素肥壯堪忍楚毒密加鞭至三百不死即召

驛馬促之上道出城不自勝

上時掌翻勝音升

舉縛置鞍中

舉擎

也脩因極不能自勝乘騎兩人對衆而寘之馬上縛著鞍中

急驅之行八十里乃死

帝聞之責元紹不重聞

重直用翻聞奏也

紹曰脩之佞幸爲國

深蠹臣不因釁除之

釁隙也釁許規翻

恐陛下受萬世之謗帝



以其言正不罪也紹出廣平王懷拜之曰翁之直過於

汲黯紹曰但恨戮之稍晚以爲愧耳紹素之孫也

常山王素

見一百二十二卷宋文帝元嘉十一年廣平王懷孝文之子以族屬長幼之次呼紹爲翁

明日甄琛

李憑以脩黨皆坐免官左右與脩連坐死黜者二十餘人散騎常侍高聰與脩素親狎而又以宗人諂事高肇故獨得免

三年春正月庚戌征虜將軍趙祖悅與魏江州刺史陳伯之戰於東關祖悅敗績癸丑以尚書右僕射王瑩

爲左僕射太子詹事柳悵爲右僕射

悵徒甘翻

丙辰魏東

荊州刺史楊大眼擊叛蠻樊季安等大破之季安素安之弟也 丙寅魏大赦改元正始 蕭寶寅行及汝陰

東城已爲梁所取乃屯壽陽樓賢寺二月戊子將軍姜

慶真乘魏任城王澄在外

去年魏遣澄入寇宿師於外

襲壽陽據其

外郭長史韋纘倉猝失圖任城太妃孟氏勒兵登陴先

守要便

敵所必攻我所必守曰要便者形勝可據便於制敵之處裨頗彌綸

激厲文武安

慰新舊

新者壽陽兵民舊者北來將士或曰新者新附舊者舊民

將士咸有奮志太

妃親巡城守

守手又翻

不避矢石蕭寶寅引兵至與州軍合

擊之自四鼓戰至下晡

日未入之前為下晡

慶真敗走韋纘坐免

官任城王澄攻鍾離上遣冠軍將軍張惠紹等將兵五

千送糧詣鍾離

冠古玩翻將即亮翻

澄遣平遠將軍劉思祖等邀

之丁酉戰于邵陽

即邵陽州也

大敗梁兵俘惠紹等十將殺

虜士卒殆盡思祖芳之從子也

劉芳以儒學親重於太和之間敗補遠翻將即

亮翻從才用翻

尚書論思祖功應封千戶侯侍中領右衛將軍

元暉求二婢於思祖不得事遂寢

史言魏賞罰失當

暉素之孫

也上遣平西將軍曹景宗後軍王僧炳等帥步騎三萬

救義陽

後軍者後軍將軍也帥讀曰率

僧炳將二萬人據鑿峴

鑿峴在關南今

信陽軍南三十五里有曹店即景宗屯鑿峴口所築峴戶典翻

景宗將萬人爲後繼元

英遣冠軍將軍元逞等據樊城以拒之三月壬申大破

僧炳於樊城俘斬四千餘人

僧炳敗於樊城未得至鑿峴也否則此非襄陽之樊

城自別魏詔任城王澄以四月淮水將漲舟行無碍南

軍得時勿昧利以取後悔會大雨淮水暴漲澄引兵還

壽陽魏軍還旣狼狽失亡四千餘人中書侍郎齊郡賈

思伯爲澄軍司居後爲殿

殿丁練翻

澄以其儒者謂之必死

及至大喜曰仁者必有勇

論語孔子之言

於軍司見之矣思伯

託以失道不伐其功有司奏奪澄開府仍降三階上以

所獲魏將士請易張惠紹于魏魏人歸之

考異曰惠紹傳無被獲

及復還事今從魏書

魏太傅領司徒錄尚書北海王詳驕奢好

聲色貪冒無厭

好呼到翻冒莫北翻厭於鹽翻

廣營第舍奪人居室嬖

昵左右所在請託中外嗟怨

嬖卑義翻又博計翻昵尼質翻

魏主以其

尊親恩禮無替軍國大事皆與參決所奏請無不開允

魏主之初親政也以兵召諸叔

事見上卷齊和帝中興元年

詳與咸

陽彭城王共車而入防衛嚴固高太妃大懼乘車隨而

哭之既得免謂詳曰自今不願富貴但使母子相保與

汝掃市爲生耳及詳再執政

齊和帝中興元年正月魏主親政十一月詳爲司徒

太妃不復念前事

復扶又翻

專助詳爲貪虐冠軍將軍茹皓

以巧思有寵於帝

茹音如思相吏翻

常在左右傳可門下奏事

弄權納賄朝野憚之詳亦附焉皓娶尚書令高肇從妹

皓妻之姊爲詳從父安定王燮之妃詳烝於燮妃由是

與皓益相昵狎

朝直遙翻下同從才用翻昵尼質翻

直閣將軍劉胄本詳

所引薦殿中將軍常季賢以善養馬陳掃靜掌櫛

櫛側瑟翻

也抗皆得幸於帝與皓相表裏賣權勢高肇本出高麗時

望輕之

麗力知翻

帝既黜六輔

魏高祖殂使六人受遺輔幼主事見一百四十二卷齊東

齊侯永元元年

誅咸陽王禧

事見上卷齊和帝中興元年

專委事於肇肇以

在朝親族至少

少詩治翻

乃邀結朋援附之者旬月起擢不

附者陷以大旱尤忌諸王以詳位居其上欲去之獨執

朝政

去羌呂翻

乃譖之於帝云詳與皓胄季賢掃靜謀爲逆

亂夏四月帝夜召中尉崔亮入禁中使彈奏詳貪淫奢

縱及皓等四人怙權貪橫收皓等繫南臺

橫戶孟翻南臺御史臺也

遣虎賁百人圍守詳第

賁音奔

又慮詳驚懼逃逸遣左右

郭翼開金墉門馳出諭旨示以中尉彈狀詳曰審如中

尉所糾何憂也正恐更有大罪橫至耳

橫戶孟翻

人與我物

我實受之詰朝有司奏處皓等罪皆賜死

詰去古翻處昌呂翻

帝

引高陽王雍等五王入議詳罪詳單車防衛送華林園  
母妻隨入給小奴弱婢數人圍守甚嚴內外不通五月



丁未朔下詔宥詳死免爲庶人頃之徙詳於太府寺園

禁彌急母妻皆還南第五日一來視之初詳娶宋王劉

昶女待之疎薄

昶丑兩翻

詳旣被禁高太妃乃知安定高妃

事大怒曰汝妻妾盛多如此安用彼高麗婢陷罪至此

麗力知翻杖之百餘被創膿潰旬餘乃能立

被皮義翻創初良翻

又杖

劉妃數十曰婦人皆妬何獨不妬劉妃笑而受罰卒無

所言

卒子恤翻下同

詳家奴數人陰結黨輩欲劫出詳家書姓

名託侍婢通於詳詳始得執省

省悉景翻省猶視也

而門防主司

遙見突入就詳手中攬得奏之詳慟哭數聲暴卒詔有

司以禮殯葬

門防主司主門衛之兵以防守詳者

先是典事史元顯獻雞

雛四翼四足

典事猶今尚書六部主事吏職也江南制局監有典事先悉薦翻

詔以問

侍中崔光光上表曰漢元帝初元中丞相府史家雌雞

伏子漸化為雄

師古曰初尚伏子後乃稍化為雄也伏音房富翻

冠距鳴將

師古

曰距雞附足骨間時所用刺之將謂帥領其羣也

永光中有獻雄雞生角劉向

以爲雞者小畜主司時起居人

畜許又翻師古曰至時而鳴以爲人起居之節

小臣執事爲政之象也

事見西漢書五行志

竟寧元年石顯伏辜

此其效也靈帝光和元年南宮寺雌雞欲化爲雄但頭

冠未變詔以問議郎蔡邕對曰頭爲元首人君之象也

今雞一身已變未至於頭而上知之是將有其事而不

遂成之象也若應之不精政無所改頭冠或成爲患滋

大事見後漢書蔡邕傳是後黃巾破壞四方天下遂大亂今之雞

狀雖與漢不同而其應頗相類誠可畏也臣以向邕言

推之翼足衆多亦羣下相扇助之象雞而未大足羽差

小亦其勢尚微易制御也

易以鼓翮

臣聞災異之見皆所以

示吉山

見賢通翻

明君觀之而懼乃能致福闇主觀之而慢

所以致禍或者今亦有自賤而貴關預政事如前世石

顯之比者邪願陛下進賢黜佞則妖弭慶集矣

妖於通翻

後

數日皓等伏誅帝愈重光

魏主以茹皓等伏誅為光言之驗高肇獨非自賤而貴關

預政事者邪

高肇說帝使宿衛隊主帥羽林虎賁守諸王第

殆同幽禁彭城王勰切諫不聽勰志尚高邁不樂榮勢

避事家居而出無山水之適處無知己之遊獨對妻子

常鬱鬱不樂

說式為翻帥所類翻樂音洛處昌呂翻

魏人圍義陽城中

兵不滿五千人食纔支半歲魏軍攻之晝夜不息刺史

蔡道恭隨方抗禦皆應手摧却相持百餘日前後斬獲

不可勝計

魏自去年十月圍義陽蔡道恭卒於今年五月自此以上謂道恭疾未甚之前勝音升

魏軍憚之將退會道恭疾篤乃呼從弟驍騎將軍靈恩

從才用翻兄子尚書郎僧勰及諸將佐謂曰吾受國厚恩不

能攘滅寇賊今所苦轉篤勢不支久汝等當以死固節

無令吾沒有遺恨衆皆流涕道恭卒靈恩攝行州事代

之城守

守式又翻

六月癸未大赦

魏大旱散騎常侍兼

尚書邢巒奏稱昔者明王重粟帛輕金玉何則粟帛養

民而安國金玉無用而敗德故也

散悉宜翻騎奇寄翻敗補邁翻

先帝

深鑒奢泰務崇節儉至以紙絹爲帳宸

宸於堂翻禮疏曰宸屏風

銅

鐵爲轡勒府藏之金裁給而已

藏但浪翻

不復買積以費國

資

復扶又翻

逮景明之初承升平之業四境清晏遠邇來同

於是貢篚相繼

貢篚二語本之禹貢謂貴細之物盛之以篚筐而入貢也

商估交入

諸所獻納倍多於常金玉恒有餘國用恒不足

估音古恒戶登

翻

苟非爲之分限

分扶問翻

但恐歲計不充自今請非要須

者一切不受魏主納之 秋七月癸丑角城戍主柴慶

宗以城降魏

降戶江翻

魏徐州刺史元鑒遣淮陽太守吳秦

生將千餘人赴之淮陰援軍斷其路

字式又翻將即亮翻淮陰梁重鎮也

以角城叛遣軍援其不從叛者斷音短

秦生屢戰破之遂取角城 甲子

立皇子綜爲豫章王 魏李崇破東荆叛蠻生擒樊素

安進討西荆諸蠻悉降之

西荆正指荊州也魏太和中徙荊州治穰城領南陽順陽

新野東恒農漢廣襄城北清恒農等郡其地正在東荊州之西

魏人聞蔡道恭卒攻

義陽益急短兵日接曹景宗頓鑿峴不進但耀兵遊獵

而已上復遣寧朔將軍馬仙琕救義陽

復扶又翻下箭復琕復乃復同

琕部田翻

仙琕轉戰而前兵勢甚銳元英結壘於上雅山

雅上

山當作士雅山據水經注義陽之東有大木山即晉祖逖將家避難所居也逖字士雅後人因以之名山杜佑

曰唐州桐柏縣有大木山晉祖逖為豫州刺史藏家屬於此山

分命諸將伏於四山示

之以弱仙琕乘勝直抵長圍掩英營英偽北以誘之

誘音

至平地縱兵擊之統軍傅永擐甲執槊單騎先入

將即

亮翻下同擐音官槊色角翻

唯軍主蔡三虎副之突陳橫過梁兵射

永洞其左股

陳讀曰陣射而亦翻

永拔箭復入仙琕大敗一子戰



死仙琿退走英謂永曰公傷矣且還營永曰昔漢高捫

足不欲人知

事見十卷漢高祖四年

下官雖微國家一將奈何使

賊有傷將之名

將即亮翻

遂與諸軍追之盡夜而返時年七

十餘矣軍中莫不壯之仙琿復帥萬餘人進擊英

帥讀曰率

英又破之殺將軍陳秀之仙琿知義陽危急盡銳決戰

一日三交皆大敗而返

馬仙琿力戰使曹景宗以大軍繼之魏必敗退義陽全矣

蔡

靈恩勢窮八月乙酉降於魏

降戶江翻

三關戍將聞之辛酉

亦棄城走

乙酉距辛酉三十六日太遠或者其辛卯歟

英使司馬陸希道爲

露板嫌其不精命傅永改之永不增文彩直爲之陳列

軍事處置形要而已

爲于偽翻  
處昌呂翻

英深賞之曰觀此經筭

雖有金城湯池不能守矣

史言英伐其功故深賞傅永能爲之陳列

初南安

惠王以預穆泰之謀追奪爵邑

穆泰事見一百四十卷齊明帝建武三年

及

英克義陽乃復立英爲中山王御史中丞任昉奏彈曹

景宗上以其功臣寢而不治

任音壬昉甫兩翻彈徒丹翻治直之翻

衛

尉鄭紹叔忠於事上外所聞知纖毫無隱每爲上言事

爲于偽翻善則推功於上不善則引咎歸己上以是親之詔

於南義陽置司州移鎮關南以紹叔爲刺史

南義陽治虎城關隋

爲黃州木蘭縣唐併木蘭入黃岡縣

紹叔立城隍繕器械廣田積穀招集

流散百姓安之魏置郢州於義陽以司馬悅爲刺史

魏收

地形志郢州領安陽城陽汝南邵

上遣馬仙琕築竹敦麻陽二城於三

關南

麻陽即今黃州麻城縣地作豫州刺史馬仙琕按仙琕於時未爲豫州也

考異曰司馬悅傳

司

馬悅遣兵攻竹敦拔之九月壬子以吐谷渾王伏連

籌爲西秦河二州刺史河南王

吐從嗽入聲谷音浴

柔然侵魏

之沃野及懷朔鎮

漢沃野縣屬朔方郡後魏爲鎮魏收志太和元年置偏城郡沃野縣屬焉

此時鎮猶未廢也注已見前

詔車騎大將軍源懷出行北邊

騎奇寄翻行下

孟翻指授方畧隨須徵發皆以便宜從事

隨須者隨軍行之所須以爲用

也者懷至雲中柔然遁去懷以爲用夏制夷莫如城郭還

至恒代按視諸鎮左右要害之地可以築城置戍之處

欲東西爲九城及儲糧積仗之宜犬牙相救之勢凡五

十八條表上之曰今定鼎成周去北遙遠代表諸國頗

或外叛

代表謂魏代都之塞外也諸國謂高車諸部夏戶雅翻恒戶登翻上時掌翻

仍遭旱

饑戎馬甲兵十分闕八謂宜準舊鎮東西相望令形勢

相接築城置戍分兵要害勸農積粟警急之日隨便剪

討彼遊騎之寇

騎奇寄翻

終不敢攻城亦不敢越城南出如

此北方無憂矣魏主從之魏太和之十六年高祖詔

中書監高閭與給事中公孫崇考定雅樂

見一百三十七卷齊武帝

永明十一年久之未就會高祖殂高閭卒景明中崇爲太樂

令上所調金石及書

辛子恤翻上時掌翻

至是世宗始命八座已

下議之冬十一月戊午魏詔營繕國學

據目錄是年置四門小學

袁翻曰太和二十年敕立四門博士於四門置學按自周以上學惟以二或尚東或尚西或貴在國或貴在郊

爰登周室學蓋有六師氏居內大學在國四小在郊大戴保傅篇云帝入東學尚親而貴仁帝入南學尚齒而貴信帝入西學尚賢而貴德帝入北學尚貴而尊時魏爵帝入太學承師而問道周之五學於此彰彰

平寧日久學業大盛燕齊趙魏之間教授者不可勝數

燕因肩綯勝音升

弟子著錄多者千餘人少者猶數百

少詩治綯州

舉茂異郡貢孝廉每年逾衆甲子除以金贖罪之科

聽贖事見上元年

十二月丙子魏詔殿中郎陳郡袁翻等議

立律令彭城王勰等監之

勰音協監工街綯

己亥魏主幸伊

闕

自南北分治人主出行所至通鑑皆曰如自此以後率書幸未曉義例所由變蓋一時失於刊正也

上雅好儒術

好呼到翻

以東晉宋齊雖開置國學不及十年

輒廢之其存亦文具而已無講授之實

晉元帝建武元年戴邈請建太

學王敦蘇峻之難學校廢矣成帝咸康三年復立而儒術終不振穆帝永和八年殷浩以軍興罷太學生宋文帝元嘉十五年徵雷次宗開館教授而儒立文吏西學並立齊高帝建元四年置國子學生二百人隆昌建武之間已倚席而不講矣

資治通鑑一百四十五



總校官庶吉士臣侍朝

校對官檢討臣王坦修

謄錄監生臣王詢



欽定四庫全書薈要

史部

資治通鑑卷一百四十六

詳校官編修臣汪鏞




欽定四庫全書薈要卷七千一百三十二

史部

資治通鑑卷一百四十六 宋 司馬光 撰

胡三省 音註

梁紀二

起朔蒙作噩盡彊  
圍大淵獻凡三年

高祖武皇帝二

天監四年春正月癸卯朔詔曰二漢登賢莫非經術服

膺雅道名立行成

行下孟翻朱元晦曰服著也膺胃也  
奉持而著之心胃之間著則畧翻

魏晉浮蕩儒教淪歇風節罔樹

樹立也歇  
許竭翻

抑此之由可

置五經博士各一人廣開館宇招內後進於是以賀瑒

及平原明山賓吳興沈峻建平嚴植之補博士各主一

館館有數百生給其餼廩

瑒徒杏翻又音暢餼許既翻鄭玄曰餼廩稍食也稍所教

翻其射策通明者即除為吏

漢書音義曰作簡策難問列置案上在試者意投射

取而答之謂之射策

暮年之間懷經負笈者雲會瑒循之玄孫也

笈其劫翻又楚洽翻書箱也晉氏南渡之初以賀循為儒宗

又選學生往會稽雲門

山從何胤受業

胤時隱雲門山今在會稽南三十一里有雲門寺會工外翻

命胤選

門徒中經明行脩者

行下孟翻

具以名聞分遣博士祭酒巡

州郡立學 初譙國夏侯道遷以輔國將軍從裴叔業

鎮壽陽為南譙太守

案魏收地形志晉孝武置南譙郡蓋治渦陽又案蕭子顯齊志武帝

永明二年割揚州宣城淮南豫譙廬江臨江六郡置南豫州四年冠軍長史沈憲啟二豫分置以桑棵子亭為斷潁州汝陽在南譙歷陽界悉屬西豫廬江居晉熙汝陰之中屬南豫宋以潁川汝陽屬南豫廬江屬西豫則齊之南譙蓋置於歷陽西界而渦陽已入於魏矣南北建置郡縣最為難考者率如此夏戶雅翻守式又翻

與叔業有隙單騎犇魏魏以道遷為驍騎將軍

騎奇寄翻驍堅

堯從王肅鎮壽陽使道遷守合肥肅卒

卒子恤翻下同

道遷棄

戍來犇從梁秦二州刺史莊丘黑鎮南鄭以道遷為長

史領漢中太守黑卒詔以都官尚書王珍國為刺史未

至道遷陰與軍主考城江忱之等謀降魏

降戶江翻

先是魏

仇池鎮將楊靈珍叛魏來奔

事見一百四十一卷齊明帝建武四年先悉薦翻將

即亮朝廷以為征虜將軍假武都王助戍漢中有部曲

六百人道遷憚之上遣左右吳公之等使南鄭道遷遂

殺使者發兵擊靈珍父子斬之并使者首送於魏

使疏吏翻

白馬戍主尹天寶聞之引兵擊道遷敗其將龐樹

敗補邁翻

遂圍南鄭道遷求救於氐王楊紹先楊集起楊集義皆

不應集義弟集朗引兵救道遷擊天寶殺之魏以道遷

為平南將軍豫州刺史豐縣侯

考異曰梁帝紀天監三年二月魏陷梁州而

列傳皆無其事魏帝紀正始元年閏十二月癸卯朔蕭衍行梁州事夏侯道遷據漢中來降道遷傳具言其事按長曆梁閏二月癸卯即天監四年正月朔也故置於此又以尚書邢巒為鎮西將

軍都督征梁漢諸軍事將兵赴之道遷受平南辭豫州

辭豫州者欲得梁州也

且求公爵魏主不許 辛亥上祀南郊大

赦 乙丑魏以驃騎大將軍高陽王雍為司空

驃騎奇

翻加尚書令廣陽王嘉儀同三司 二月丙子魏以宕

昌世子梁彌博為宕昌王

宕徒浪翻

上謀伐魏壬午遣衛

尉卿楊公則將宿衛兵塞洛口

自漢以來衛尉與太常太僕廷尉大鴻臚宗正

大司農少府為九卿而職名未帶卿字至梁分十二寺始各帶卿字水經注洛澗北逕秦虛下注淮謂之洛口

塞悉則翻

壬辰交州刺史李凱據州反長史李叟討平之

叟初力翻

魏邢巒至漢中擊諸城戍所向摧破晉壽太守

王景胤據石亭

水經注漢水自武興城北西南流逕闕城北又西逕石亭戍又逕晉壽城西

巒遣統軍李義珍擊走之魏以巒為梁秦二州刺史巴

西太守龐景民據郡不下

龐皮江翻

郡民嚴玄思聚眾自稱

巴州刺史附於魏攻景民斬之楊集起集義聞魏克漢

中而懼閏月帥羣氏叛魏斷漢中糧道

帥讀曰率  
斷丁管翻

繼屢

遣軍擊破之

夏四月丁巳以行宕昌王梁彌博為河

涼二州刺史宕昌王

冠軍將軍孔陵等將兵二萬戍

深杭

冠古玩翻將即亮翻  
王景胤孔陵寇東西晉

壽並遣告急按魏邢巒傳

曰蕭衍晉壽太守王景胤據石亭又曰蕭衍遣其將  
軍孔陵等據深杭然則景胤陵皆梁將也元起傳誤

魯

方達成南安

五代志始州晉安縣舊  
曰南安始州唐之劍州

任僧褒等戍石同

以拒魏

任音

邢巒遣統軍王足將兵擊之所至皆捷遂



入劔閣陵等退保梓潼足又進擊破之梁州十四郡地

東西七百里南北千里皆入于魏

蕭子顯齊志梁州注籍者二十二郡荒郡

不預焉今魏取十四郡

初益州刺史鄧元起以母老乞歸詔徵為

右衛將軍以西昌侯淵藻代之淵藻懿之子也

懿死於東昏之

手夏侯道遷之叛也尹天寶馳使報元起

使疏吏翻

及魏寇

晉壽王景胤等並遣告急衆勸元起急救之元起曰朝

廷萬里軍不猝至若寇賊侵淫

侵淫以癰疽為喻侵毒好肉為淫

方須

撲討董督之任非我而誰何事忽忽救之

史言鄧元起乞歸非由表

之請撲  
晉木翻

詔假元起都督征討諸軍事救漢中而晉壽已

陷蕭淵藻將至元起營還裝糧儲器械取之無遺淵藻

入城恨之又求其良馬元起曰年少郎子何用馬為淵

藻恚因醉殺之

元起養寇自資而卒不免於死雖淵藻以私忿殺之亦不為無罪也少詩照翻

恚於  
避翻

元起麾下圍城哭且問故淵藻曰天子有詔衆乃

散遂誣以反上疑焉元起故吏廣漢羅研詣闕訟之上

曰果如我所量也使讓淵藻曰元起為汝報讎

謂協力  
誅東昏

報其父讎也量音  
良為于偽翻下同

汝為讎報讎忠孝之道如何乃貶淵

藻號為冠軍將軍

冠古玩翻考異曰梁書元起傳藻以糧儲無遺甚怨望之因表元起還

留不憂軍事收付州獄自縊死按若止以逗留表元起安敢擅收前刺史付獄殺之心誣以反也今從南史梁

書藻本以冠軍為益州刺史與南史異

贈元起征西將軍謚曰忠侯

李延壽論曰元起勤乃昏附

毛萇曰韋下親上曰昏附

功惟闢土

謂開梁益之土也

勞之不圖禍機先陷冠軍之貶於罰已輕

梁之政刑於斯為失私戚之端自斯而啟年之不永

不亦宜乎

益州民焦僧護聚眾作亂蕭淵藻年未弱冠

人生二十曰弱冠冠

古玩

集僚佐議自擊之或陳不可淵藻大怒斬于階側

乃乘平肩輿巡行賊壘

平肩輿使人就桐肩之故曰平肩行下孟翻

賊弓亂

射矢天下如雨從者舉楯禦矢淵藻命去之

射而亦翻從才用翻去羌

呂翻由是人心大安擊僧護等皆平之

六月庚戌初立

孔子廟 豫州刺史王超宗

以五代志攷之此時梁置豫州於晉熙今安慶府懷

寧縣將兵圍魏小峴

峴戶典翻

丁卯魏揚州刺史薛真度遣

兼統軍李叔仁等擊之超宗兵大敗 冠軍將軍王景

胤李畎輔國將軍魯方達等與魏王足戰屢敗秋七月

足進逼涪城

涪音浮 畎姑注翻

八月壬寅魏中山王英寇雍

州

雍於用翻

庚戌秦梁二州刺史魯方達與魏王足統軍

紀洪雅盧祖遷戰敗方達等十五將皆死壬子王景胤

等又與祖遷戰敗景胤等二十四將皆死楊公則至

洛口與魏豫州長史石榮戰斬之甲寅將軍姜慶真與

魏戰於羊石不利

羊石蓋即陳伯之所屯之陽石也

公則退屯馬頭

雍州蠻沔東太守田青喜叛降魏

攷之北史青喜所據之地蓋在襄陽之東

竟陵之西 沔彌充翻

魏有芝生於太極殿之西序

殿廡曰序

魏主以

示侍中崔光光上表以為此莊子所謂氣蒸成菌者也

菌巨隕翻  
地蕈也

柔脆之物生於墟落穢濕之地不當生於殿

堂高華之處今忽有之厥狀扶疎誠足異也夫野木生

朝野鳥入廟古人皆以為敗亡之象故太戊中宗懼災

脩德殷道以昌

商王太戊之時亳有祥桑穀共生于朝  
一幕大拱太戊懼而脩德祥桑枯死殷

道復興高宗祭成湯有飛雉升鼎耳而雊祖已曰惟先  
格王正厥事朝諸侯有天下猶運之於掌中宗當作高

宗朝直  
遙翻

所謂家利而怪先國興而妖豫者也

妖於  
遙翻

今西

南二方兵革未息郊甸之內大旱踰時民勞物悴莫此

之甚

悴秦醉翻

承天育民者所宜矜恤伏願陛下側躬聳意

惟新聖道節夜飲之樂養方富之年則魏祚可以永隆

皇壽等於山岳矣於是魏主好宴樂

樂音洛好呼到翻

故先言

及之 九月己巳楊公則等與魏揚州刺史元嵩戰公

則敗績 冬十月丙午上大舉伐魏以揚州刺史臨川

王宏都督北討諸軍事尚書右僕射柳惔為副

惔徒甘翻

王

公以下各上國租及田穀以助軍

國租者封國所入之租田穀者職田所入

之穀各上時掌翻

宏軍于洛口

楊集起集義立楊紹先為帝

自皆稱王十一月戊辰朔魏遣光祿大夫楊椿將兵討

之將即亮翻魏王足圍涪城蜀人震恐益州城戍降魏者

什二三民自上名籍者五萬餘戶上時掌翻下西上同邢巒表於

魏主請乘勝進取蜀以為建康成都相去萬里陸行既

絕自襄陽西行遵陸可以至蜀梁州既入于魏則陸路斷矣惟資水路水軍西上非

周年不達益州外無軍援一可圖也頃經劉季連反鄧

元起攻圍事見上卷資儲空竭吏民無復固守之志二

可圖也蕭淵藻裒屐少年復扶又翻裒渠云翻下裳也屐竭戰翻躋也少詩沼翻



未洽治務宿昔名將多見囚戮

治直吏翻將即亮翻下同

今之所任

皆左右少年三可圖也蜀之所恃唯在劔閣今既克南

安已奪其險據彼竟內

竟讀曰境

三分已一自南安向涪方

軌無礙前軍累敗後衆喪魄四可圖也

喪息浪翻

淵藻是蕭

衍骨肉至親必無死理若克涪城淵藻安肯城中坐而

受困必將望風逃去若其出鬪庸蜀士卒驚怯弓矢寡

弱五可圖也

武王之伐紂也庸蜀八國皆從庸上庸之地蜀蜀郡之地

臣內省文吏

不習軍旅賴將士竭力頻有薄捷既克重阻

省悉景翻重直龍翻

重阻猶言  
重險也

民心懷服瞻望涪益

時梓潼太守治涪城益州刺史治成都

旦

夕可圖止以兵少糧匱未宜前出

少詩  
沼翻

今若不取後圖

便難况益州殷實戶口十萬比壽春義陽其利三倍

魏先

此已得壽春  
義陽故云然

朝廷若欲進取時不可失若欲保境寧民

則臣居此無事乞歸侍養

養余  
亮翻

魏主詔以平蜀之舉當

更聽後勅寇難未夷何得以養親為辭巒又表稱昔鄧

艾鍾會帥十八萬衆傾中國資儲僅能平蜀

事見七十  
八卷魏元

帝景元四年難乃  
旦翻帥讀曰率

所以然者鬪實力也况臣才非古人

何宜以二萬之衆而希平蜀所以敢者正以據得要險

士民慕義此往則易

易以鼓翻下未易同

彼來則難任力而行理

有可克今王足已逼涪城脫得涪則益州乃成擒之物

但得之有早晚耳且梓潼已附民戶數萬

謂已上名籍之民也

朝

廷豈可不守又劔閣天險得而棄之良可惜矣

諸葛孔明相蜀

以大劔小劔有隘東之路故曰劔門以閣道三十里至險乃有閣尉姜維拒鍾會於此晉以其地入梓潼郡桓

溫入蜀於晉壽置

臣誠知戰伐危事未易可為自軍度

劔閣縣屬梁州

劔閣以來鬚髮中白

中竹仲翻

日夜戰懼何可為心所以勉

強者

強其兩翻

既得此地而自退不守恐負陛下之爵祿故

也且臣之意竝正欲先取涪城以漸而進若得涪城則

中分益州之地斷水陸之衝

魏已得劔閣進取成都涪當其衝梁兵由內水而上

救成都涪亦當其衝斷丁管翻

彼外無援軍孤城自守何能復持久哉

復扶又翻

臣今欲使軍軍相次聲勢連接先為萬全之計然

後圖功得之則大利不得則自全又巴西南鄭相距千

四百里去州迢遞

迢田聊翻迢遞徒計翻迢遞遠也

恒多擾動

恒戶登翻

昔在

南之日以其統綰勢難曾立巴州鎮靜夷獠

立巴州見一百三十

五卷齊高帝建元二年省巴州見武帝永明二年獠魯皓翻下同

梁州藉利因而表罷

彼土民望嚴蒲何楊非唯一族雖率居山谷而豪右甚

多文學風流亦為不少但以去州既遠不獲仕進至於

州網無由厠迹

州之上佐是謂州綱少詩沼翻

是以鬱快多生異圖

快於

兩比道遷建義之始

比毗至翻

嚴玄思自號巴州刺史克城

以來仍使行事巴西廣袤千里戶餘四萬若於彼立州

鎮攝華獠

巴西之地華人與獠雜居故云華獠表音茂

則大帖民情

帖靜也安也伏

也從墊江已還不勞征伐自為國有

李雄譙縱取蜀東不能過墊江以荷

秦兵力之盛取梁益如反掌墊江以東苻秦不能有也  
邢巒之圖蜀亦規墊江以西而已蓋地利足恃也我朝  
自紹定失蜀彭大雅遂城渝為制府支持魏主不從先  
西蜀且四十年渝古墊江之地也墊音疊

是魏主以王足行益州刺史

先悉薦翻

上遣天門太守張齊

將兵救益州未至

將即亮翻

魏主更以梁州軍司泰山羊祉

為益州刺史

更工衡翻

王足聞之不悅輒引兵還

還從宣翻又如字

遂不能定蜀久之足自魏來犇邢巒在梁州接豪右以  
禮撫小民以惠州人悅之巒之克巴西也使軍主李仲  
遷守之仲遷溺於酒色費散兵儲公事諮承無能見者

巒忿之切齒仲遷懼謀叛城人斬其首以城來降

史言魏所

以不能定蜀降戶江翻

十二月庚申魏遣驃騎大將軍源懷討

武興氐邢巒等並受節度

驃匹妙翻騎奇寄翻

司徒尚書令謝

朏以母憂去職

朏敷尾翻

是歲大穰

穰豐也詩豐年穰穰

米斛三十

錢

五年春正月丁卯朔魏于后生子昌大赦楊集義圍

魏關城

此即陽平關城也

邢巒遣建武將軍傅豎眼討之

豎而庾翻

集義逆戰豎眼擊破之乘勝逐北壬申克武興執楊紹

先送洛陽楊集起楊集義亡走遂滅其國

晉惠帝元康六年氏王楊

茂搜始據仇池百頃其後浸盛盡有漢武都郡之地北

侵隴西天水南侵漢中拓拔既盛取武都仇池之地楊

氏僅據武興今魏既取漢中遂滅楊氏以為武興鎮又改為東益州

東益州領

武興仇池盤頭廣長廣業梓潼洛叢郡

乙亥以前司徒謝朐為中書監

司徒朐數冀州刺史桓和擊魏南青州不克

梁青冀二州治

鬱州魏顯祖取三齊置東徐州於園城領東安東莞郡

高祖太和二十二年改為南青州五代志沂州沂水縣

舊置南青州

魏秦州屠各王法智聚眾二千

屠各直於翻推秦州

主簿呂苟兒為主改元建明置百官攻逼州郡涇州民



陳瞻亦聚衆稱王改元聖明

魏置涇州治臨涇城領安定龐東新平趙平平涼平

源等郡

己卯楊集起兄弟相帥降魏

帥讀曰率降戶江翻

甲申

封皇子綱為晉安王 二月丙辰魏主詔王公以下直

言忠諫治書侍御史陽固上表

治直之翻上時掌翻

以為當今之

務宜親宗室勤庶政貴農桑賤工賈

賈音古

絕談虛窮微

之論簡桑門無用之費以救饑寒之苦時魏主委任高

肇疎薄宗室好桑門之法

好呼到翻

不親政事故固言及之

戊午魏遣右衛將軍元麗都督諸軍討呂苟兒麗小

新成之子也

小新成見一百二十九卷宋孝武大明五年

乙丑徐州刺史

歷陽昌義之與魏平南將軍陳伯之戰於梁城

晉孝武太元中

僑立梁郡於淮南壽春界故有梁城其地在壽陽東北鍾離西南

義之敗績

將軍蕭

昺將兵擊魏徐州圍淮陽

角城在淮水之陽淮陽又在角城北十八里治宿預梁後

於角城置淮陽郡昺音丙

三月丙寅朔日有食之

己卯魏荊州

刺史趙怡平南將軍奚康生救淮陽

魏咸陽王禧之

子翼遇赦求葬其父

禧誅見一百四十四卷齊和帝中興元年

屢泣請於魏

主魏主不許癸未翼與其弟昌暉來奔上以翼為咸陽

王翼以曄嫡母李妃之子也請以爵讓之上不許 輔

國將軍劉思效敗魏青州刺史元繫於膠水

魏收志光州長廣郡

即墨縣有膠水水經膠水出黔陬縣膠山北流過夷安縣東又東北過膠東縣城北百里注于海敗補邁翻

臨川王宏使記室吳興丘遲為書遺陳伯之曰

遺于季翻

尋君去就之際非有他故直以不能內審諸已外受流

言沈迷猖獗以至於此

沈持林翻

主上屈法申恩吞舟是漏

漢懲秦法之苛禁罔疏濶時稱為漏吞舟之魚

將軍松栢不翦親戚安居高臺

未傾愛妾尚在

松栢不翦謂不毀夷其先世墳墓也親戚安居謂其親戚在江南者皆不以叛

黨連坐安居自若也高臺未傾謂居第未嘗汙潞池臺如故也愛妾尚在謂其婢妾猶守其家不沒于官及流落于他家也昔雍門子見孟嘗君吟曰高臺既已傾曲池既已平墳墓生荆棘牧豎遊其上孟嘗君亦如是乎孟嘗君為之喟然嘆息而將軍魚游於沸鼎之中驚巢於飛幕之

上魚游釜中古人多有是言言將必至於焦爛左傳吳季札謂孫林父曰夫子之居此也猶燕之巢於幕上

杜預注曰言至危也不亦惑乎想早勵良圖自求多福庚寅伯之

自壽陽梁城擁衆八千來降伯之元年奔魏今復還降下江翻魏人殺

其子虎牙詔復以伯之為西豫州刺史未之任復以為

通直散騎常侍不使之出當邊鎮恐其復叛也復扶又翻久之卒於家初

魏御史中尉甄琛

甄七人翻琛丑林翻

表稱周禮山林川澤有虞

衡之官為之厲禁蓋取之以時不使戕賊而已故雖置

有司實為民守之也

周禮山虞掌山林之政令物為之厲而為之守禁令萬民時斬材有

期日凡竊木者有刑罰林衡掌林麓之禁令而平其守以時計林麓而賞罰之川衡掌巡川澤之禁令而平其令為之厲禁使其地之人守其財物以時入于王府頒其餘於萬民為于

夫一家之長必惠養子孫

長知兩翻

天下

之君必惠養兆民未有為人父母而吝其醢醢富有羣

生而權其一物者也

權古岳翻

令縣官鄣護河東鹽池而收

其利是專奉口腹而不及四體也蓋天子富有四海何

患於貧乞弛鹽禁與民共之錄尚書事

總彭城王以為琛之所陳坐談則理高行之則事闕竊

惟古之善治民者必污隆隨時豐儉稱事

治直之翻  
稱尺證翻

役

養消息以成其性命若任其自生隨其飲啄乃是芻狗

萬物

老子曰天地不仁以萬物為芻狗注云天施地化不以仁恩天地生萬物視之如芻草狗畜任自然

也何以君為是故聖人斂山澤之貨以寬田疇之賦收

關市之稅以助什一之儲

此謂田疇什一之賦不足以供國用故斂山澤稅關市以

也助之取此與彼皆非為身

為于偽翻下同

所謂資天地之產惠

天地之民也今鹽池之禁為日已久積而散之以濟軍

國非專為供大官之膳羞給後宮之服玩既利不在已

則彼我一也然自禁鹽以來有司多慢出納之間或不

如法是使細民嗟怨負販輕議此乃用之者無方非作

之者有失也一旦罷之恐乖本旨一行一改法若奕碁

左傳曰奕者舉棋不定不勝其耦今此以喻一行一改無定法也

參論理要宜如舊式

自此以上合載於一百四魏主卒從琛議

琛議既行於景明初年隨

格於景明四年今復罷鹽禁  
是卒從其議也卒子恤翻

夏四月乙未罷鹽池禁

復收

鹽利見上  
卷二年

庚戌魏以中山王英為征南將軍都督揚

徐二州諸軍事帥衆十餘萬以拒梁軍

帥讀曰率

指授諸節

度所至以便宜從事江州刺史王茂將兵數萬侵魏荆

州誘魏邊民及諸蠻更立宛州

將即亮翻誘音酉更魏荆州為宛州也更工衡

翻宛於元翻

遣其所署宛州刺史雷豹狼等襲取魏河南城

蕭子顯齊志雍州有河南郡郡所領五縣惟棘陽為實土則河南郡當在南陽棘陽縣界五代志鄧州新野縣舊

曰棘陽

魏遣平南將軍楊大眼都督諸軍擊茂辛酉茂戰



敗失亡二千餘人

考異曰大眼傳云俘敵七千有餘今從魏帝紀

大眼進攻

河南城茂逃還大眼追至漢水攻拔五城魏征虜將軍

宇文福寇司州俘千餘口而去五月辛未太子右衛率

張惠紹等侵魏徐州拔宿預執城主馬成龍

晉安帝立宿預縣屬

淮陽郡魏高祖以

乙亥北徐州刺史昌義之拔梁城

徐

治京口故以

鍾離為北徐豫州刺史韋叡遣長史王超等攻小岨未

拔叡行圍柵

孟行下翻

魏出數百人陳於門外

陳讀曰陣

叡欲擊

之諸將皆曰

將即亮翻下同

向者輕來未有戰備徐還授甲乃

可進耳。叡曰：不然。魏城中二千餘人，足以固守。今無故

出人於外，必其驍勇者也。

驍堅堯翻

苟能挫之，其城自拔。衆

猶遲疑。叡指其節曰：朝廷授此，非以為飾。韋叡法不可

犯也。遂進擊之。士皆殊死戰，魏兵敗走。因急攻之中宿

而拔。

中讀曰仲。又竹使翻。紀六月辛丑，陷小峴。

戊戌，令從叡傳。考異曰：魏帝

遂至合肥。先

是右軍司馬胡景略等攻合肥，久未下。

先悉薦翻

叡按山川

夜，帥衆堰肥水，頃之堰成。水通，舟艦繼至。

帥讀曰率。艦戶贗翻。

魏

築東西小城，夾合肥。叡先攻二城。魏將楊靈脩帥衆五

萬奄至衆懼不敵請奏益兵叡笑曰賊至城下方求益兵將何所及且吾求益兵彼亦益兵兵貴用奇豈在衆也遂擊靈脣破之叡使軍主王懷靜築城於岸以守堰魏攻拔之城中千餘人皆沒魏人乘勝至堤下兵勢甚盛諸將欲退還巢湖或欲保三义

考異曰南史作三文今從梁書蓋巢湖

之水於此分三汊故名退保於此利於入船故衆欲之

叡怒曰寧有此邪命取織

扇麾幢樹之堤下示無動志

織蘇旱翻又蘇 魏人來鑿

肝翻幢傳江翻

堤叡親與之爭魏兵卻因築壘於堤以自固叡起鬪艦

高與合肥城等四面臨之城中人皆哭守將杜元倫登

城督戰中弩死

將即亮翻中竹仲翻

辛巳城潰俘斬萬餘級獲牛

羊以萬數敵體素羸未嘗跨馬

羸倫為翻

每戰常乘板輿督

厲將士勇氣無敵晝接宿旅夜半起筭軍書張燈達曙

撫循其衆常如不及故招募之士爭歸之所至頓舍館

宇藩牆皆應準繩諸軍進至東陵

水經注廬江金蘭縣西北東陵鄉大蘇山

灌水之所出也攷之諸志無金蘭縣未知何世所出

有詔班師

班師之詔必在洛口師潰之後史因

書敵事而去魏城既近

據姚思廉梁書時魏守

覺城去東陵二十里

諸將恐

其追躡敵悉遣輜重居前身乘小輿殿後

重直用翻  
殿丁練翻

魏

人服敵威名望之不敢逼全軍而還於是遷豫州治合

肥豫州自晉  
熙遷合肥壬午魏遣尚書元遙南拒梁兵 癸未魏

遣征西將軍于勁節度秦隴諸軍 丁亥廬江太守聞

喜裴邃克魏羊石城庚寅又克霍丘城

水經注曹魏安  
豐都尉治安豐

津南後以其故城立霍丘戌隋立霍丘縣今在壽春東  
百餘里杜佑曰霍丘漢松滋縣地 考異曰梁裴邃傳

云五年征邵陽洲魏人為長橋以濟邃築壘通橋密作  
沒突艦會淮水暴漲邃乘艦徑造橋側魏衆驚潰遂乘  
勝追擊大破之進克羊石霍丘城平小峴攻合肥魏帝  
紀辛巳衍將陷合肥己丑又陷羊石霍丘案韋叡傳敵

攻邵陽洲方使遠乘艦焚橋事在克合肥後又梁帝紀  
辛巳敵克合肥丁亥遠克羊石庚寅克霍丘今從之遠  
傳載取二城在破  
邵陽洲後誤也  
六月庚子青冀二州刺史桓和克胸

山城

胸音吻

乙巳魏安西將軍元麗擊王法智破之斬

首六千級  
張惠紹與假徐州刺史宋黑水陸俱進趣

彭城圍高塚戍

水經注彭城同孝山陰有楚元王冢高十許丈廣百許步意者魏立戍於此乎

趣七魏武衛將軍奚康生將兵救之

將即亮翻

丁未惠紹兵

不利黑戰死  
太子統生五歲能遍誦五經庚戌始自

禁中出居東宮  
丁巳魏以度支尚書邢巒都督東討

諸軍事

度徒洛翻

魏驃騎大將軍馮翊惠公源懷卒懷性

寬簡不喜煩碎

驃匹妙翻騎奇寄翻吾許記翻

常曰為貴人當舉網維

何必事事詳細譬如為屋但外望高顯楹棟平正基壁

完牢足矣斧斤不平斲削不密非屋之病也 秋七月

丙寅桓和擊魏兗州拔固城

固城疑即抱犢固城也抱犢固在蘭陵界

呂

苟兒率衆十餘萬屯孤山圍逼秦州

此孤山當在上邽左右魏秦州治上

邽領天水畧陽漢陽郡

元麗進擊大破之行秦州事李韶掩擊孤

山獲其父母妻子庚辰苟兒帥其徒詣麗降

帥讀曰率降戶江翻

兼太僕卿楊椿別討陳瞻瞻據險拒守諸將或請伏兵

山蹊斷其出入

斷丁管翻

待糧盡而攻之或欲斬木焚山然

後進討椿曰皆非計也自官軍之至所向輒克賊所以

深竄正避死耳今約勒諸軍勿更侵掠賊必謂我見險

不前待其無備然後奮擊可一舉平也乃止屯不進賊

果出抄掠椿復以馬畜餌之

抄楚交翻復扶又翻

不加討逐久之

陰簡精卒銜枚夜襲之斬瞻傳首秦涇二州皆平戊

子徐州刺史王伯敖與魏中山王英戰於陰陵

陰陵縣漢屬九



江郡晉屬淮南郡梁北譙郡治陰陵城隋改北譙郡為全椒縣屬江都郡唐全椒縣屬滁州

伯敖兵

敗失亡五千餘人已丑魏發定冀瀛相并肆六州十萬

人以益南行之兵

亮相悉翻

上遣將軍角念將兵一萬屯蒙

山招納兗州之民降者甚衆

魏收志南青州東安郡新泰縣東南有蒙山蓋蒙山

即古所謂東蒙也與固城孤山皆近魏兗州東界故梁連兵據之以招兗州之民北史邢巒傳謂是時梁人侵

軼徐兗是矣角姓也姓苑漢有角善叔將即亮翻降戶江翻

是時將軍蕭及屯固城

桓和屯孤山

魏收志蘭陵郡蘭陵縣有石孤山又昌慮縣有孤山

魏邢巒遣統軍

樊魯攻和別將元恒攻及

恒戶澄翻

統軍畢祖朽攻念壬寅

魯大破和於孤山恒拔固城祖朽擊念走之己酉魏詔

平南將軍安樂王詮督後發諸軍赴淮南詮長樂之子

也安樂王長樂見一百三十三卷宋蒼梧王元徽三年樂音洛詮且緣翻將軍藍懷恭與

魏邢巒戰于睢口

姓譜藍魯甘翻姓也戰國策有中山大夫藍諸水經注睢水過睢陵縣故

城北而東南流逕下相縣故城南又東南流入于泗謂之睢口睢音雖

懷恭敗績巒進圍

宿預懷恭復於清南築城

清南清水之南也復扶又翻

巒與平南將

軍楊大眼合攻之九月癸酉拔之斬懷恭殺獲萬計張

惠紹棄宿預

此與後張惠紹聞洛口敗引兵退本一事耳解見後

蕭昞棄淮陽遁

還臨川王宏以帝弟將兵

將即亮翻下同

器械精新軍容甚盛

北人以為百數十年所未之有軍次洛口

水經注洛澗在西曲陽縣

北劉牢之斬秦將梁成處北歷秦墟下注淮謂之洛口

前軍克梁城

即謂昌義之克梁城也

諸將欲乘勝深入宏性懦怯部分乖方

分扶問翻

魏詔邢巒

引兵度淮與中山王英合攻梁城宏聞之懼召諸將議

旋師呂僧珍曰知難而退不亦善乎宏曰我亦以為然

柳惔曰自我大衆所臨何城不服何謂難乎裴邃曰是

行也固敵是求何難之避馬仙琕曰王安得亡國之言

天子掃境內以屬王

徒徒甘翻理部田翻屬之欲翻

有前死一尺無却

生一寸昌義之怒須髮盡磔

磔陟格翻張開也

曰呂僧珍可斬

也豈有百萬之師出未逢敵望風遽退何面目得見聖

主乎朱僧勇胡辛生拔劍而退

退據南史宏傳當作起

曰欲退自

退下官當前向取死議者罷出僧珍謝諸將曰殿下昨

來風動

謂宏心風發動也

意不在軍深恐大致沮喪故欲全師

而返耳

沮在呂翻喪息浪翻

宏不敢遽違羣議停軍不前魏人知

其不武遺以巾

遺千季翻巾惆古獲翻

且歌之曰不畏蕭娘與呂

姚言其怯怯如婦人  
女子也姚莫補翻

但畏合肥有韋虎虎謂韋叡也僧

珍歎曰使始興吳平為帥而佐之豈有為敵人所侮如

是乎始興王憺吳平  
侯昺帥所類翻

欲遣裴邃分軍取壽陽大衆停洛

口宏固執不聽令軍中曰人馬有前行者斬於是將士

人懷憤怒魏奚康生馳遣楊大眼謂中山王英曰梁人

自克梁城已後久不進軍其勢可見必畏我也王若進

據洛水彼自犇敗英曰蕭臨川雖驍其下有良將韋裴

之屬未可輕也

驍古駭翻  
將即亮翻

宜且觀形勢勿與交鋒張忠

紹號令嚴明所至獨克軍于下邳

前已言張惠紹棄宿預遁還矣宿預在下

邳東南百餘里此言軍于下邳是未棄宿預之前事李延壽以此事載之臨川王宏傳通鑑因亦連而書之

下邳人多欲降者惠紹諭之曰我若得城諸卿皆是國

人國人猶言王民也

降戶江翻下同 若不能克徒使諸卿失鄉里非朝

廷弔民之意也今且安堵復業勿妄自辛苦降人咸悅

己丑夜洛口暴風雨軍中驚臨川王宏與數騎逃去將

士求宏不得皆散歸

考異曰梁書宏傳云會征役久有詔班師殊為不實今從南史

棄甲投戈填滿水陸捐棄病者及羸老死者近五萬人

贏倫為翻  
近其新翻

宏乘小船濟江夜至白石壘叩城門求入臨

汝侯淵猷登城謂曰百萬之師一朝烏散國之存亡未

可知也恐姦人乘間為變

問古  
莫翻

城不可夜開宏無以對

乃絕食饋之

絕馳  
偽翻

淵猷淵藻之弟時昌義之軍梁城聞

洛口敗與張惠紹皆引兵退

此即張惠紹棄宿預一事  
也通鑑因南史臨川王宏

傳所載者書  
之遂致複出

魏主詔中山王英乘勝平蕩東南逐北至

馬頭攻拔之城中糧儲魏悉遷之歸北議者咸曰魏運

米北歸當不復南向

復扶  
又翻

上曰不然此必欲進兵為詐

計耳乃命脩鍾離城勅昌義之為戰守之備

馬頭城在鍾離之西

馬頭既陷魏必東攻鍾離故預為之備

冬十月英進圍鍾離魏主詔邢巒

引兵會之巒上表以為南軍雖野戰非敵而城守有餘

今盡銳攻鍾離得之則所利無幾不得則虧損甚大且

介在淮外借使束手歸順猶恐無糧難守況殺士卒以

攻之乎又征南士卒從戎二時

從戎二時謂兵連不解自夏迄秋也

疲弊

死傷不問可知雖有乘勝之資懼無可用之力若臣愚

見謂宜脩復舊戍撫循諸州以俟後舉江東之釁不患



其無詔曰濟淮犄角事如前敕

讐許觀翻  
犄居蟻翻

何容猶爾盤

桓

盤桓不  
進貌

方有此請可速進軍繼又表以為今中山進

軍鍾離實所未解

解戶買  
翻曉也

若為得失之計

謂為一切之  
計或得或失

未可  
必也

不顧萬全直襲廣陵出其不備或未可知若止欲

以八十日糧取鍾離城者臣未之前聞也

英期以八十  
日糧取鍾離

故繼  
云然

彼堅城自守不與人戰城塹水深非可填塞

塞悉  
則翻

空坐至春士卒自弊若遣臣赴彼從何致糧夏來之兵

不齎冬服脫遇冰雪何方取濟臣寧苟怯懦不進之責

不受敗損空行之罪

荷下可翻

鍾離天險朝貴所具

謂朝之貴臣所

具知也朝直達翻

若有內應則所不知如其無也必無克狀

言必

無可克之狀

若信臣言願賜臣停若謂臣憚行求還臣所領

兵乞盡付中山任其處分

處昌呂翻分扶問翻

臣止以單騎隨之

東西臣屢更為將

騎奇寄翻更工衡翻將即亮翻

頗知可否臣既謂難

何容強遣

強其兩翻

乃召蠻還更命鎮東將軍蕭寶寅與英

同圍鍾離侍中盧昶素惡蠻

更工衡翻惡烏路翻

與侍中領右衛

將軍元暉共譖之使御史中尉崔亮彈蠻在漢中掠人

為奴婢

蠻傳云蠻初至漢中接豪右以禮撫衆以忠歲餘之後頗因其去就誅滅百姓籍為奴婢者二

百餘人彈徒丹翻

蠻以漢中所得美女賂暉暉言於魏主曰蠻

新有大功不當以赦前小事案之

謂是年正月生皇子赦也

魏主以

為然遂不問暉與盧昶皆有寵於魏主而貪縱時人謂

之餓虎將軍饑鷹侍中暉尋遷吏部尚書用官皆有定

價大郡二千匹次郡下郡遞減其半餘官各有等差選

者謂之市曹

以選曹貨賂為市因謂之市曹選須絹翻

丁酉梁兵圍義陽

者夜遁

聞洛口師潰故亦遁

魏郢州刺史婁悅追擊破之

柔然

庫者可汗卒子伏圖立號佗汗可汗

佗汗魏言緒也可從刊入聲汗音寒

佗徒河翻

改元始平戊申佗汗遣使者紇奚勿六跋如魏請

和魏主不報其使謂勿六跋曰蠕蠕遠祖社崙乃魏之

叛臣

事見一百八卷晉孝武太元十九年使疏吏翻蠕人克翻崙盧昆翻

往者包容暫聽

通使

事見一百三十六卷齊武帝永明五年薨與暫同

今蠕蠕衰微不及疇昔

大魏之德方隆周漢正以江南未平少寬北略

少詩治翻

通

和之事未容相許若脩藩禮款誠昭著者當不爾孤也

孤負也

魏京兆王愉廣平王懷國臣多驕縱公行屬請

屬之欲翻魏主詔中尉崔亮窮治之

治直之翻

坐死者三十餘人

其不死者悉除名為民惟廣平右常侍楊昱文學崔楷

以忠諫獲免昱楷之子也

自晉以來王國置師友文學各一人左右常侍各一人楊

楷見一百三十七卷

齊武帝永明八年

十一月乙丑大赦詔右衛將軍

曹景宗都督諸軍二十萬救鍾離上勅景宗頓道人洲

道人洲在邵陽洲之東

俟衆軍齊集俱進景宗固啟求先據邵陽

洲尾上不許景宗欲專其功違詔而進值暴風猝起頗

有溺者

溺奴狄翻

復還守先頓

謂還守道人洲也復扶又翻

上聞之曰景

宗不進蓋天意也若孤軍獨往城不時立必致狼狽今  
破賊必矣 初漢歸義侯勢之末羣獠始出北自漢中

南至邛笮布滿山谷

事見九十七卷晉孝宗永和二年獠魯皓翻邛渠容翻笮音昨

勢

既亡蜀民多東徙山谷空地皆為獠所據其近郡縣與

華民雜居者頗輸租賦遠在深山者郡縣不能制梁益

二州歲伐獠以自潤公私利之及邢巒為梁州獠近者

皆安堵樂業

樂音洛

遠者不敢為寇巒既罷去魏以羊祉

為梁州刺史傳豎眼為益州刺史

去年魏得晉壽置益州豎而庾翻

祉

性酷虐不得物情獠王趙清荆引梁兵入州境為寇社  
遣兵擊破之豎眼施恩布信大得獠和 十二月癸卯

都亭靖侯謝朏卒

朏數  
尾翻

魏人議樂久不決

三年魏命  
議樂事見

上卷

六年春正月公孫宗請委衛軍將軍尚書右僕射高肇

監其事

監工  
衡翻

魏主知肇不學詔太常卿劉芳佐之

魏

中山王英與平東將軍楊大眼等衆數十萬攻鍾離鍾  
離城北阻淮水魏人於邵陽洲兩岸為橋樹柵數百步

跨淮通道英據南岸攻城大眼據北岸立城以通糧運  
城中衆纔三千人昌義之督帥將士隨方抗禦魏人以  
車載土填塹使其衆負土隨之嚴騎蹙其後人有未及  
回者因以土迹之

帥讀曰率將即亮翻塹七艷  
翻騎奇寄翻迹側百翻迫也

俄而塹

滿衝車所撞

江傳  
翻

城土輒頽義之用泥補之衝車雖入

而不能壞魏人晝夜苦攻分番相代墜而復升

復扶又  
翻下同

莫有退者一日戰數十合前後殺傷萬計魏人死者與  
城平二月魏主召英使還英表稱臣志殄逋寇而月初



已來

己以字通

霖雨不止若三月晴霽城必可克願少賜寬

假

少詩治翻

魏主復詔曰彼土蒸濕無宜久淹勢雖必取乃

將軍之深計兵久力殆亦朝廷之所憂也英猶表稱必

克魏主遣步兵校尉范紹詣英議攻取形勢紹見鍾離

城堅勸英引還英不從

元英違衆議志在必克鍾離恃義陽之勝而驕也兵法曰常勝

之家難與慮敵又曰兵驕者敗其謂是歟校戶教翻

上命豫州刺史韋叡將兵救

鍾離

將即亮翻下同

受曹景宗節度叡自合肥取直道由陰陵

大澤行

水經注濠水出陰陵縣之陽亭東北流逕鍾離城下而注于淮陰陵蓋有在鍾離西南合肥東

北也。值澗谷輒飛橋以濟。師人畏魏兵盛，多勸叡緩行。叡

曰：鍾離令鑿穴而處。

處昌呂翻

負戶而汲，車馳卒奔，猶恐其

後而況緩乎？魏人已墮吾腹中，卿曹勿憂也。旬日至郃

陽，上豫勅曹景宗曰：韋叡卿之鄉望。

曹景宗新野人，韋叡以京兆著姓居

襄陽既同州鄉而韋為望族

宜善敬之。景宗見叡禮甚謹，上聞之曰：

二將和師必濟矣。景宗與叡進頓郃陽洲，叡於景宗營

前二十里夜掘長塹，樹鹿角截洲為城，去魏城百餘步。

南梁太守馮道根能走馬步地計，馬足以賦功，比曉而

營立

賦布也給與也功力也計一夫之力所任作謂之

城高五丈下濶二丈五尺上濶一丈二尺五寸高下濶

狹以此為準料功上濶下加濶得三丈七尺五寸半之

得一丈八尺七寸五分以高五丈乘之一尺之城積數

得九十三丈七尺五寸每一功日築土二尺計功約四

十七人一步五尺之城計役二百三十五人一百步計

役二萬三千五百人率一里則十里可知其出土負簣

並計之大功之內城濠面濶二丈深一丈底濶一丈以

面濶加底積數大半之得數一丈五尺以深一丈乘之

鑿濠一尺得數一十五丈每一人計功日出三文計功

五人一步五尺計功二十五人十步計功二百五十人

一里計功七萬五百人以此為魏中山王英大驚以杖

數則百里可知此必利翻及也

擊地曰是何神也景宗等器甲精新軍容甚盛魏人望

之奪氣景宗慮城中危懼募軍士言文達等

言姓孔門

令吳人猶有言姓

潛行水底齎勅入城城中始知有外援勇氣

百倍楊大眼勇冠軍中將萬餘騎來戰所向皆靡敵結

車為陳

冠古玩翻將即亮翻騎奇寄翻陳讀曰陣

大眼聚騎圍之敵以彊弩

二千一時俱發洞甲穿中

中如字

殺傷甚衆矢貫大眼左

臂大眼退走明旦英自帥衆來戰

帥讀曰率

敵乘素木輿執

白角如意以麾軍

如意翻

一日數合英乃退魏師復夜來

攻城

復扶又翻

飛矢雨集敵子黯請下城以避箭敵不許軍

中驚敵於城上厲聲呵之乃定

此確鬪也兩軍營壘相逼旦暮接戰勇而無剛

者不能支久韋敵於此是難能也比年襄陽之守使諸將連營而前如韋敵之畧城猶可全不至誤國矣嗚呼

痛哉牧人過淮北伐芻藁者皆為楊大眼所略曹景宗募

勇敢士千餘人於大眼城南數里築壘大眼來攻景宗

擊却之壘成使別將趙草守之有抄掠者皆為草所獲

是後始得縱芻牧上命景宗等豫裝高艦使與魏橋等

為火攻之計

將即亮翻抄楚交翻艦戶黠翻

令景宗與敵各攻一橋敵

攻其南景宗攻其北

魏於郃陽洲兩岸立橋南橋以接元英之兵北橋以接楊大眼之兵

三月淮水暴漲六七尺

考異曰梁帝紀四月癸未景宗等破魏軍魏帝紀四月戊戌

鍾離大水英敗績按曹景宗傳云三月春水生淮水暴漲梁魏二史蓋據奏到月日書之耳今從景宗傳

使馮道根與廬江太守裴邃秦郡太守李文釗等

沈約曰晉

武帝分扶風為秦國中原亂其民南流寄居堂邑堂邑本為縣前漢屬臨淮後漢屬廣陵晉又屬臨淮惠帝永興元年以臨淮淮陵立堂邑郡安帝改堂邑為秦郡五代志揚州六合縣舊曰尉氏置秦郡

乘鬪艦

競發擊魏洲上軍盡殪

殪於計翻

別以小船載草灌之以膏

從而焚其橋風怒火盛烟塵晦冥敢死之士拔柵斫橋水又漂疾倏忽之間橋柵俱盡道根等皆身自搏戰軍

人奮勇呼聲動天地

呼火故翻

無不一當百魏軍大潰英見

橋絕脫身棄城走大眼亦燒營去諸壘相次土崩悉棄

其器甲爭投水死者十餘萬斬首亦如之獻遣報昌義

之義之悲喜不暇答語但叫曰更生更生諸軍遂北至

潏水上

魏收志雒州穀陽郡連城縣有潏水按水經注服虔云穀水在沛國相縣界蓋雒水逕穀熟而

兩分穀水之名蓋因地變然則穀水即泗水也魏收又云雒水即梁之潼州治取慮城又按水經注雒水自穀

熟東流逕取慮城北又東逕雒陵城北又東與潼水會

參而攷之則潏水當在沛臨淮二郡界丁度集韻曰潏呼外翻一作渙音同水名在亳州是則潏水即渙水音同而字異耳

英單騎入梁城緣淮

百餘里尸相枕藉生擒五萬人

枕之任翻藉惣夜翻考異曰韋叡傳云其餘

釋甲稽顙乞為囚奴者猶數十萬按魏軍共止數十萬如叡傳所言似為太過今從景宗傳

收其資

糧器械山積牛馬驢騾不可勝計

驢盧戈翻勝音升

義之德景

宗及叡請二人共會設錢二十萬官賭之

擲蒲賭博私相與為戲耳

不設於公庭今官賭之於徐州府廨公賭之也博以取財曰賭音丁古翻

景宗擲得雉叡徐

擲得盧遽取一子反之曰異事遂作塞

反讀曰翻又如字擲蒲得盧者

勝反一子而作塞塞者擲采未成次擲者得之以決勝負塞與鑿同先代翻異事猶言怪事也

景宗與

羣帥爭先告捷

帥所類翻

叡獨居後世尤以此賢之

史言韋叡有功



不詔增景宗叡爵邑義之等受賞各有差 夏四月己

酉以江州刺史王茂為尚書右僕射安成王秀為江州

刺史秀將發主者求堅船以為齋舫

以船載齋庫物因曰齋舫舫甫晏翻

並兩船曰舫

秀曰吾豈愛財而不愛士乎乃以堅者給參佐

下者載齋物既而遭風齋舫遂破

時諸王並下士建安王偉與秀尤好人物

時人方之四豪

丁巳以臨川王宏為驃騎將軍開府儀同三

司驃匹妙翻寄奇翻

建安王偉為揚州刺史右光祿大夫沈約

為尚書左僕射左僕射王瑩為中軍將軍 六月丙午

馮翊等七郡叛降魏

馮翊等郡江左僑立於雍州界降戶江翻

秋七月丁

亥以尚書右僕射王茂為中軍將軍

八月戊子大赦

魏有司奏中山王英經筭失圖齊王蕭寶寅等守橋

不固皆處以極法

處昌呂翻

己亥詔英寶寅免死除名為民

楊大眼徙營州為兵

魏世祖真君五年置營州治和龍城領昌黎建德遼東樂浪冀陽郡

以中護軍李崇為征南將軍揚州刺史崇多事產業征

南長史狄道辛琛屢諫不從

琛丑林翻

遂相糾舉詔並不問

崇因置酒謂琛曰長史後必為刺史但不知得上佐何

如人耳琛曰若萬一叨忝得一方正長史朝夕聞過是  
所願也宗有慙色 九月己亥魏以司空高陽王雍為

太尉尚書令廣陽王嘉為司空 甲子魏開斜谷舊道

漢高祖之為漢王也從杜南入斜中張良送至褒中褒  
斜一谷也南谷曰褒北谷曰斜意此即斜谷舊道諸葛  
亮楊聲內斜谷取郿非杜南舊道也以事勢言之承平  
舊時自長安入蜀其取道就平易南北分爭塞故道而  
開新路以依險今魏欲就平易以通  
梁益故復開舊道斜余遮翻谷音浴 冬十月壬寅以

五兵尚書徐勉為吏部尚書勉精力過人雖文案填積  
坐客充滿應對如流手不停筆又該綜百氏皆為避諱

為于偽翻嘗與門人夜集客虞囑求詹事五官太子詹事亦有五官掾囑

古老翻勉正色曰今夕止可談風月不可及公事時人咸

服其無私 閏月乙丑以臨川王宏為司徒行太子太

傅尚書左僕射沈約為尚書令行太子少傅吏部尚書

袁昂為右僕射 丁卯魏皇后于氏殂是時高貴嬪有

寵而妬高肇勢傾中外后暴疾而殂人皆歸咎高氏宮

禁事祕莫能詳也為魏皇子昌卒張本 甲申以光祿大夫夏侯

詳為尚書左僕射 乙酉魏葬順皇后于永泰陵 十

二月丙辰豐城景公夏侯詳卒

沈約曰吳立富城縣晉武太康元年更名豐城

屬豫章郡

乙丑魏淮陽鎮都軍主常邕和以城來降

降戶江翻

考異曰魏帝紀十月庚午淮陽太守安樂以城南叛今從梁帝紀

資治通鑑卷一百四十六